

X 5

# ՄԿՁԲՈՒՆՔ

ՔՐԻՍՏՈՆԷԱԿԱՆ ՈՒՂՂԱՓԱՌ ՀԱԻՍՏՈՑ ՀԱՅԱՍՏԱՆԵԱՅՑ  
ԱՌԱՔԵԼԱԿԱՆ ՍՈՒՐԲ ԵԿԵՂԵՑԻՈՑ

---

ԱՌԱՋԻՆ ՏԱՐԻ

---

ՄԿՁԲՆԱԿԱՆ ԵՒ ՄԻՋՆԱԿԱՐԳ ԳՊՐՈՑՆԵՐԻ ՍՏՈՐԻՆ ԳՈՍՍՐՈՒՆՆԵՐԻ ՀԱՄԱՐ



Կ Ա Ջ Մ Ե Ց

ՊԵՏՐՈՍ-ՔԱՅԱՆԱՅ ՏԵՐ-ՅՈՎՀԱՆՆԻՍԵԱՆՑ



Շ Ո Ւ Շ Ի

Տպարան Հայոց Հոգևոր Տեսչութեան

1899

# ՄԿԶՔՐՈՒՆՔ

ՔՐԻՍՏՈՆԵԱԿԱՆ ՈՒՂՂԱՓԱՌ ՀԱԻԱՏՈՅ ՀԱՅԱՍՏԱՆԵԱՅՑ  
ՍՈՒԱՔԵԼԱԿԱՆ ՍՈՒՐԲ ԵԿԵՂԵՑԻՈՅ

Ա.Ռ.Ա.ԶԻՆ ՏԱՐԻ

ՍԿԶՔՆԱԿԱՆ ԵՒ ՄԻՋՆԱԿԱՐԳ ԴՊՐՈՑՆԵՐԻ ՍՏՈՐԻՆ ԴԱՍԱ-  
ՐԱՆՆԵՐԻ ՀԱՄԱՐ



Կ Ա Ջ Մ Ե Ց

ՊԵՏՐՈՍ-ՔԱՀԱՆԱՅ ՏԵՐ-ՅՈՎՀԱՆՆԻՍԵԱՆՑ



Շ Ո Ւ Շ Ի

Տպարան Հայոց Հոգևոր Տեսչութեան

1 8 9 9

ИЗДАТЕЛЬСТВО

ИЗДАТЕЛЬСТВО

ИЗДАТЕЛЬСТВО

---

Дозволено цензурою. 18 мая 1898 года, г. Тифлисъ.

---

ИЗДАТЕЛЬСТВО

ИЗДАТЕЛЬСТВО

ИЗДАТЕЛЬСТВО

ИЗДАТЕЛЬСТВО

ИЗДАТЕЛЬСТВО



Հրամանաւ Սրբազնագոյն Քահանայապետի ազգիս՝ Տեառն Տեառն Մկրտչի Վեհափառ և Մայրագոյն Պատրիարք Կաթողիկոսի, ընթերցեալ զաշխատութիւնս ընդ վերնագրով , Սկզբունք Քրիստոնէական ուղղափառ հաւատոյ Հայաստանեայց Առաքելական Սուրբ եկեղեցոյս, ոչ գտի՝ ՚ի սմա զբանս և զգարձուածս հակառակ իմաստից Աստուածաշունչ սրբազան մատենից և բարեպաշտական տեսութեանց կամ աւանդից առաքելաշաւիղ տօնելի հարց: ՚ի ստուգութիւն որոյ իմով իսկական ստորագրութեամբ և գրոշմամբ անուանական կնքոյս հաւաստաբանեմ: ՚ի 16 ապրելի 1898 ամի ՚ի սուրբ Էջմիածին:

Սուքիաս Արքեպիսկոպոս Պարզեանց:

4732 5425-00

Ըստ Բարձու հրամանի Վեհափառ Հայրապետի ազգիս, Դիւանս համաձայն վերոգրեալ յայտարարութեան թոյլատրէ տպագրութիւն սորին, որ և վաւերացուցանէ ստորագրութեամբ և գրոշմամբ կնքոյ Հայրապետական Դիւանի: ՚ի 16 ապրելի 1898 ամի ՚ի Սուրբ Էջմիածին:

՚ի տեղի Դիւանապետի՝ Կորիւն Վարդապետ:

ԵՐԿՈՒ ԽՕՄՔ

Պաշտօնական գործով մի քանի տարիներ շարունակ շրջակայելով Արցախու թեմի դիւղերը, այցելելով և Պետու թեան իրաւասութեան տակ գտնուող դպրոցները, լսելու ճայաստանեայց ուղղափառ եկեղեցւոյ քրիստոնէական կրօնի դասատուութիւնը, ամեն տեղ էլ պատահել եմ դասատուութեան նոյն դանդաղ ընթացքին և դասազրբերի անյարմարութեանը, որոնք կազմուած են աշակերտների հասակին, տարիքին և հասկացողութեանը անհամապատասխան կերպով: Այդ իսկ պատճառաւ մեր մէջ միտք զարթեց այդ դպրոցների համար կրօնի այնպիսի դասազրբեր կազմել, որոնք համապատասխան լինէին ուսանող մ'անողկների թէ՛ տարիքին և թէ՛ հասկացողութեանը: Եւ ահա սկզբնական և միջնակարգ դպրոցների ստորին դասարանների երեք և հինգ տարուայ դասընթացի կրօն դասախօսելու համար, պատրաստ են մեր կազմած դասազրբերը, որոնց նիւթերը դասաւորած են աշակերտների տարիքի և հասկացողութեան համեմատական աստիճանների չափով: Այս գործը դուրս բերելու համար մենք աչքի առաջ ենք ունեցել բազմաթիւ կրօնի դասազրբեր, որոնցից շատ յօդուածներ նոյնութիւնով կամ համառօտած զետեղել ենք մեր կազմած այս դասազրբերում:

Թերևս մեր կազմած այս դասազրբերն էլ թերութիւններ ունենան, որոնց ցոյց կըտայ գործնական փորձերը, այնու ամենայնիւ սորանց տուած օգուտն անհամեմատ աւելի կըլինի, քան նախկիններինը և որ առաւելն է կրօնուսոյց արժանապատիւ հայրերը այս դասազրբերով դասախօսելով չեն հանդիպիլ ոչ մի դժուարութեան:

Կրօնուսոյց ուսուցիչները չըպիտի բաւականանան աշակերտներին աղօթքները և պատմութիւնները լոկ բերան անել տալովք, այլ գորանից զատ, նորանք պիտի առանձնապէս ուշադրութիւն դարձնեն աւանդելի աղօթքը կամ պատմութիւնը մերձեցնել աշակերտների հասկացողութեանը և զարգացնել նորանց կրօնական բարոյական զգացմունքները, պարտաւոր են դժուար և անըմբռնելի բառերը և դարձուածները բացատրել և հասկացնել աշակերտներին, ապա հարց ու փորձի ենթարկելով՝ հաւաստիանար, թէ նորանք ճշգրութեամբ են ըմբռնել աղօթքի կամ պատմութեան նիւթը, թէ ոչ: Կրօնուսոյցների այս գործը հեշտացնելու համար, մենք դասաւորել ենք իւրաքանչիւր աղօթքի և պատմութեան տակ իւր հարցերը և բացատրել դժուար և անըմբռնելի բառերը:

Կրօնուսոյց ուսուցիչները պիտի ուշադրութիւն դարձնեն աղօթքներն ասելու եղանակին և սովորեցնեն աշակերտներին աղօթելու ժամանակ եկեղեցում և տանը կանգնելու, երկրպագելու, անձը խաչակնքելու, ծունր դնելու և չոքելու ձևերը:

Ուսուցիչները պիտի ճշգրութեամբ հսկեն, որպէս զի աշակերտները ընտելանան աղօթելու ճաշելուց առաջ և յետոյ, քնելուց առաջ և առաւօտեան զարթելուց և առհասարակ սովորեցնել թէ ե՞րբ և ո՞ր աղօթքը պիտի ասել: Ճակելով աշակերտների կրօնական բարոյական զարգացմանը, լիայոյս ենք, որ ապագայում նորանք առաքինի և բարեպաշտ քրիստոնեաներ կրլինին և այդպիսով զրպրոցը, կրթութեան այդ ճիւղում, հասած իւր նպատակին:

ՊԵՏՐՈՍ ԲԱՅԱՆԵՑ ՏԷՐ-ՅՈՎՀԱՆՆԵՍԵԱՆԵՑ:

Ի 10 Օգոստոսի 1897 ամի:

Ի Շուշի:

**Ն Ա Խ Ա Գ Ի Տ Ե Հ Ի Ք**

**ԱՂՕԹՔԻ ԵՒ ՆՈՐԱ ԱՐՏԱՔԻՆ ՄԻ ՔԱՆԻ ՍՐԲԱՀԱՆ**

**ԳՈՐԾՈՂՈՒԹԻՒՆՆԵՐԻ ՄԱՍԻՆ:**

Մարդու խորին յարգանքով և ջերմեռանդութիւնով, Աստուծուն արած խնդրուածքը, կոչում է առ ձօթք: Մենք մեր աղօթքներով խնդրում ենք Աստուծուց այն, ինչի մէջ կարիք ենք զգում: Խնդրում ենք զործ սկսելու յաջողութիւն, շնորհք, իմաստութիւն պարգևել և այլն, բայց իրաւունք չունինք ոչ փող խնդրելու, ոչ հարստութիւն, ոչ ոսկի, արծաթ և լաւ, լաւ պաշտօններ. այդ ամենն Աստուծոյ անհուն ողորմութիւնիցն է կախուած՝ պարգևելու, կամ ոչ: Ընորհակալութիւն ենք մատուցանում Աստուծուն՝ մեզ շնորհած պարգևների համար, զովում ենք կամ փառաբանում նորան:

Մեր աղօթքներով մենք չենք դառնում միայն դէպի Աստուած, այլ և դէպի սուրբ կոյս Մարիամը, դէպի սուրբ հրեշտակները և դէպի այն ամեն սրբերը, որոնք նահատակուել են կամ մեռել ճշմարիտ Աստու-



ածպաշտութեան և Քրիստոսի անուան համար: Բայց դէպի սորանց այնպէս չենք վերաբերում, ինչպէս դէպի Աստուած: Դէպի սորանց մենք վերաբերում ենք, որպէս միջնորդների, բարեխօս լինելու, մեր մեղաւոր բերանից դուրս եկած աղօթքները և խնդրուածքները հասցնելու Աստուծոյ աթոռի առաջ, մեր աղօթքներն ու խնդիրները հաճելի անելու Աստուծուն: Մենք միայն մեզ համար չենք աղօթում, այլ և մեր ծնողների, եղբայրների, քոյրերի, ազգականների, բարեկամների, մեր ուսուցիչների, բարեբարների և բոլոր կենդանիների, նոյնպէս և ննջեցեալների հոգիների համար:

Մենք Աստուծուց միայն կարող ենք ստանալ մեզ հարկաւորւող այն ամենը, ինչ որ կարեւոր է մեզ մեր կեանքի վերաբերեալ: Նա ամեն ըոպէ պատրաստ է մեզ շնորհելու մեր խնդրածները: Աստուծոյ մեծամեծ գործերը մենք միշտ տեսնում ենք, այդ պատճառաւ պարտաւոր ենք առանց դադարելու, ամեն ժամանակ աղօթել և խնդրուածք անել, փառարանել կամ շնորհակալութիւն մատուցանել նորան: Աղօթել մենք կարող ենք համարեայ թէ ամեն տեղ, որովհետև Աստուած ամեն տեղ է, ամեն տեղ էլ լսում մեր աղօթքը, մեր ձայնը, ամեն ժամանակ տեսնում մեզ և մեր գործունէութիւնը: Այդ պատճառաւ և մենք պէտք է ամեն տեղ էլ աղօթենք Աստուծուն. սակայն աղօթելու ժամանակն առ հասարակ ընդունուած է. առաւօտեան երբ քնից զարթնում ենք և երեսներս լուանում: Օրուայ ընթացքում էլ, երբ գործ ենք սկսում, գործ վերջացնում, աշխատելուց, կարդալուց առաջ և յետոյ,

ճաշելուց առաջ և ճաշից յետոյ և երեկոյեան քնելու ժամանակ:

Աստուածպաշտութեան կամ աղօթելու ժամանակ մենք կատարում ենք մի քանի սրբազան գործողութիւններ, այն է արտաքին սրբաներ, անձին խաչակնքել, երկրպագել, ծունր դնել, ծունկ շոքել, սըրբութիւններ համբուրել (խաչ, աւետարան և պատկերներ) խնկարկել և մոմ վառել: Աղօթքը կատարում ենք ուղիղ կանգնած և ձեռներս կախ ձգած: Այս նշաններով մենք Աստուծուն ցոյց ենք տալիս մեր կատարեալ հպատակութիւնը և որդիական խոնարհ պարտքը: Եթէ այս արարողութիւնները կապուած չեն մեր ներքին հոգեկան զգացմունքի հետ, այն ժամանակ մեր աստուածպաշտութիւնը կամ աղօթքը ճշմարիտ չի կարող լինել, այլ միայն մի ձևական բան: Ուստի և Աստուածպաշտութիւնը պէտք է կատարել խորին յարգանքով, ուշադրութիւնով, հեզութիւնով, հոգու և մարմնու հպատակութիւնով և ջերմեռանդութիւնով:

Անձին խաչակնքելը կատարուում է հետեւեալ կարգով. ցուցամատը և միջի մատը հաւասար իրարից կպած ուղիղ բռնելով, իսկ անասուն և ճկոյթ մատերը ծալելով ափի մէջ և բութ մատը դնելով այդ երկու մատերի վերայ՝ ուղիղ բռնած երկու մատերի ծայրերը նախ դնել ճակատին, հնչելով Հօր անունը, յետոյ կրծքի ներքի մասին, հնչելով Որդւոյ անունը, ապա ձախ և աջ ծծատեղիքին՝ հնչելով Հոգւոյն, ապա

սրբոյ անունը, իսկ յետոյ կրծքի մէջ տեղ՝ հնչելով  
ամէն: Այս գործողութիւնը վերջանալուց յետոյ, սկսում  
ենք աղօթքը, կամ գործը: Խաչակնքելով մեր անձը,  
մենք յիշում ենք մեր Փրկչի խաչի վրայի մահը, մարդ-  
կային ազգի փրկութեան համար, որ մահովը մահը  
խափանեց և յարութիւնովը մեզ կեանք պարգևեց:  
Խաչակնքելով մեր անձը, արտայայտում ենք մեր հա-  
ւատը, որ Աստուծոյ Որդին, Յիսուս — Քրիստոս,  
երկնքից աշխարհ գալով, իւր շարժարանքով և Խաչի  
վրայի մահովը սրբագործեց մեր միտքը, զգացմունքը,  
ցանկութիւնը և գործերը և ազատեց մեզ սկզբնական  
մեղքից և մահից: Խաչակնքում ենք մեր անձը, ոչ թէ  
միայն աղօթելու ժամանակ, այլ և ամեն մի դործ  
սկսելիս: Մենք դորանով ցոյց ենք տալիս, որ մենք  
մեր յոյսը չենք դնում մեր ոյժերի և մարդկանց օգ-  
նութեան վերայ, այլ ապաւինում ենք Աստուծոյ օգ-  
նութեանը և Քրիստոսի խաչի գօրութիւնովը սպառ-  
նում, մեզ հանդիպող բոլոր ձախորդութիւններին յաղ-  
թելու:

Երկրպագութիւն տալը և գրոյս խոնարհեցնելը  
պէտք է կատարել հեզութիւնով, խոնարհութիւնով ու  
չերմեռանդութիւնով: Երկրպագութիւն տալու համար  
պէտք է մէջքից կռանալ դէպի առաջ, իսկ նորից ուղ-  
ղահայեաց դիրք ստանալու ժամանակ, խաչակնքել և  
անձը: Գլուխ խոնարհեցնելը կատարւում է խնկար-  
կելու, սրբութիւններ համբուրելու ժամանակ: Գլուխ  
խոնարհեցնելու ժամանակ, դարձեալ խաչակնքում ենք  
մեր անձը: Գլուխ խոնարհեցնելը՝ կատարւում է գլխու-

ներիս կրթքներիս վերայ կռացնելովը: Երկրպագութիւն տալովը և գլուխ խոնարհեցնելովը ցոյց ենք տալիս մեր ծառայութիւնը և հեզութիւնը Աստուծոյ առաջ, խոստովանուում ենք մեր մեղաւոր լինելը, իսկ միւս կողմից նշան է, որ մենք մասնակցոււմ ենք Աստուածապաշտական աղօթքներին:

Ծննդադրութիւն, ծուանկ չորնչ, պատկերներ և արտութիւններ համբոտունչ կատարելովը՝ ցոյց ենք տալիս մեր անպայման խոնարհութիւնը Աստուծոյ առաջ և հնազանդութիւն նորա կամքին, դէպի որը մենք արժանի չենք մեր աչքերը դէպի վեր բարձրացնել:

Խնկարկել կամ մոտ վառել, ընդհանրապէս մարդիկ խունկ ծխելով, նպատակ ունին իրենց յարգանքներն ու նուէրները մատուցանել Աստուծուն, կամ սրբերին, քանի որ անձամբ չեն կարողանում մերձնալ նորան: Իսկ եկեղեցու խնկարկելով պատկերներին և ժողովրդին, ցանկանում ենք, որ Աստուծոյ օրհնութիւնը իջնի դորանց վերայ և իւրաքանչիւր աղօթք խնկի ծխի նման բարձրանայ դէպի Աստուած: Սուրբ պատկերների առաջ մոմեր վառելով՝ ցոյց ենք տալիս մեր ջերմնաւանդ յարգանքը և սէրը դէպի նորանց:

Աղօթելութամանակ պէտք է ուղիղ կանգնել, առանց վռագուելու, շիտթուելու, ուշադրութիւնով և ծանր ասել աղօթքը: Աղօթքը սկսելիս և վերջացնելիս պէտք

է միշտ խաչակնքել անձը, իսկ եթէ աղօթքները կատարուամ է եկեղեցիներում և ոչ ուսումնարաններում կամ տներում, պատկերների առաջ, այն ժամանակ, անձը խաչակնքելուց յետոյ, պէտք է և երկրպագել նորանց: Աղօթելու ժամանակ սովորական է միշտ երեսով զէպի արևելք—աղօթարանը կանգնել:



## ԱՌԱՋԻՆ ԲՍԺԻՆ

### § 1. ՅԱՆՈՒՆ ՀՕՐ ԵՒ ՈՐԳԻՌՅ ԵՒ ՀՈԳԻՌՅՆ ՍՐԲՈՅ. ԱՄԷՆ:

(խաչակնքել անձը):

Հայրը, որդին և հոգին սուրբը միասին ընդունում ենք մի Աստուած: Առաջին անձը Հայր Աստուածն է, երկրորդը՝ Որդի Աստուածը և երրորդը՝ հոգի սուրբ Աստուածը:

Մի Աստուած ունի երեք անձինք. Հայր, Որդի և Հոգի սուրբ: Երեք անձինք բնութեամբ մեկ են, իսկ անձնաւորութեամբ ջոկ, ջոկ: Երեք անձինքն ունին համահաւասար պատիւ, զօրութիւն և փառք: Մի Աստուածը առանց իւր անձնաւորութիւններից մէկին, չի կարող կատարեալ Աստուած լինել: Մի Աստուած ընդունում ենք երեք անձնաւորութիւնները միասին առած: Երեք անձնաւորութիւններն ամենեւին չի կարելի իրարից բաժանել, ինչպէս չի կարելի բաժանել արեգակից ոչ լոյսը և ոչ տաքութիւնը: Ինչպէս արեգակից ծնւում է լոյս և բղխում ջերմութիւն, այնպէս էլ Աստուծուց ծնւում է Որդին և բղխում հոգին սուրբը, ուրեմն Աստուծուց չի կարելի բաժանել ոչ Որդի Աստուածը և ոչ հոգի սուրբ Աստուածը: Գորանք անբաժան են և կոչւում են ամենասուրբ երրորդութիւն միասնական և անբաժանելի: Որդուն անուանում ենք նաև Յիսուս — Քրիստոս:

Աստուած գերագոյն և ամենակատարեալ էւնի է: Չի եղել այնպիսի մի ժամանակ, որ Աստուած եղած չըլինի: Աստուած եղել է, կայ և պիտի լինի: Աստուած յաւիտենական է և աշխարհումս մի այնպիսի տեղ չըկայ, որտեղ Նա չըլինի: Աստուած ամենայն տեղ է: Աստուած ամենաբարի է, որովհետև ամենքին էլ գերագոյն բարիք է ցանկանում: ամենիմաստ է, որովհետև մեր կատարած յայտնի և ծածուկ զործերը զիտէ, նոյնպէս և ամենակարող է: Աստուած ըստ էութեան անմարմին հոգի է:

Ամեն. նշանակում է. ճշմարիտ այդպէս է, թող այդպէս լինի: Մենք մեր բոլոր աղօթքները կատարում ենք հօր, Որդու և սուրբ Հոգու (Աստուծոյ) անունով:

Ո՞ր անձնաւորութիւններն են 'ի միասին առած կոչում մի Աստուած: Անձնաւորութիւններից ո՞րն է առաջին Աստուածը: Ո՞րը երկրորդը: Ո՞րը երրորդը: Մի Աստուած քանի՞ անձինք ունի: Որո՞նք են: Գորանք ինչով են մէկ և ինչո՞վ ջուկ, ջուկ: Երեք անձինքը համահաւասար պատիւ ունին, թէ՛ ոչ: Համահաւասար էլ ինչ ունին: Աստուած առանց իւր անձնաւորութիւններից մէկին կամ միւսին կարո՞ղ է կատարեալ Աստուած լինել: Արեգակից ինչ է ծնւում: Աստուծուց ո՞րն է ծնւում և ո՞րը բղխում: Կարելի է արեգակից բաժանել լոյսը կամ տաքութիւնը: Կարելի է Աստուծուց բաժանել Որդին կամ Հոգին սուրբը: Գորանք ինչպէս են կոչւում: Երկրորդ անձնաւորութեան, Որդուն, էլ ինչ ենք անուանում:

Աստուած ինչպիսի՞ էակ է: Եղած է այնպիսի ժամանակ, որ Աստուած եղած չըլինի: Այժմ էլ Աստուած կայ, Աստուած ժամանակաւոր է: Աստուած միայն մի տեղ է լինում, թէ ամենայն տեղ: Աստուած ինչպիսի՞ յատկութիւններ ունի (ամենաբարի, ամենիմաստ և ամենակարող): Աստուած ըստ էութեան

ինչպիսի մարմին և հողի ունիւ Ի՛նչ է նշանակում ամէն: Մենք մեր բոլոր աղօթքներն ո՛ւմ անունով ենք սկսում կատարելու:

## § 2. ՏԷՐՈՒՆԱԿԱՆ ԱՂՕԹՔ:

Հայր մեր, որ յերկինս ես, սուրբ եղիցի անուն քո, եկեսցէ արքայութիւն քո, եղիցին կամք քո որպէս յերկինս և յերկրի. զհաց մեր հանապազորդ տուր մեզ այսօր և թող մեզ զպարտիս մեր, որպէս և մենք թողումք մերոց պարտապանաց և մի տանիր զմեզ 'ի փորձութիւն, այլ փրկեան զմեզ 'ի չարէ, զի քո է արքայութիւն և զօրութիւն և փառք յաւիտեանս. ամէն:

Մեր հայր, որ երկրնքումն ես, սուրբ լինի քո անունը, զայ քո թագաւորութիւնը. քո կամքը լինի ինչպէս երկնքումը, այնպէս էլ երկրի վրայ: Մեր ամենօրուայ հացը տո՛ւր մեզ այսօր, թող մեզ մեր պարտքերը, ինչպէս որ մենք էլ մեր պարտականներին ենք թողնում. մի ձգիր, մեզ փորձանքի մէջ, այլ չարիցն ազատիր, որովհետեւ քոնն է թագաւորութիւնը, զօրութիւնը և փառքը յաւիտեանս. ամէն:

Այս աղօթքը կոչւում է տերունական, որոյհետեւ աւանդեց մեզ մեր Տէր Յիսուս—Քրիստոսը:

Տէրունական աղօթքը եօթը խնդիրներից է բաղկացած և սկսւում է կոչումով ու վերջանում փառաբանութիւնով:



ԿՈՉՈՒՄՆ Է. Մեր հայր, որ երկնքումն ես: Սուրանով մենք Աստուծուն անուանում ենք մեր հայր, որովհետև՝

ա. Ինքն Աստուած իւր ողորմութիւնովը մեզ քրիստոնէական իւր որդիներ կոչեց:

բ. Նա սիրում է մեզ, ինչպէս հայր և իւրաքանչիւր բարի գործում օգնում է մեզ և

գ. մենք պարտաւոր ենք սիրով և յուսով վերաբերուիլ նորան, ինչպէս որդիքը-հօրը:

Աստուծուն մենք անուանում ենք Արկնատուր Հայր, որովհետև նորա փառքի աթոռը երկնքումն է, որտեղ ապրում են սուրբ Հրեշտակները, բոլոր սրբերը և գորանով մեր յիշողութեան առաջն ենք բերում, որ աղօթելուց, պարտաւոր ենք մտածել միայն երկնայինի վերայ, թողնելով բոլոր երկրային ոչնչականութիւնը: Աստուծոյ փառքի աթոռը թէև երկնքումն է, բայց նա ամեն տեղ է լինում:

ԱՌԱՋԻՆ ԽՆԴԻՐ: Սուրբ լինի քո անունը: Այս խօսքերով մենք խնդրում ենք, որ Տէրը մեզ, իւր որդիներին, օգնի ապրելու անարատ և մեր բարի գործերով մարդկանց մէջ տարածելու նորա սուրբ անուան փառքը, որպէս զի նորանք էլ, տեսնելով մեր բարի գործերը, փառաբանեն մեր երկնաւոր-հօրը:

ԵՐԿՐՈՐԴ ԽՆԴԻՐ: Դայ քո թագաւորութիւնը: Այս խօսքերով մենք խնդրում ենք Տէրից, որ նա Հիմնելով երկրումն իւր ողորմութեան թագաւորութիւնը եկեղեցին և մեզ քրիստոնէաներիս ընդունելով իւր այդ թագաւորութեան մէջ, օգնի մեզ իւր երկրային թագաւորութեան հարագատ որդիքը լինելու, այսինքն լինել քրիստոնէաներ, ոչ թէ միայն անունով, այլ և կեանքով:

զործով ու Հաւատով: Երբ կամքը լինի ինչպէս երկըն-  
քումը, այնպէս էլ երկրի վերայ: Մենք խնդրում ենք  
Աստուծոց, որ Նա մեզ՝ իւր թագաւորութեան որդի-  
ներին օգնի, նրկըռում կատարելու Նորա կամքն այն-  
պէս, ինչպէս կատարում են նրկնքում սուրբ Հրեշտակ-  
ները և միեւնոյն ժամանակ մեր պատրաստակամութիւնն  
ենք յայտնում Նորանից ընդունելու այն բոլորը, ինչ  
որ Իրեն Հաճելի է մեզ պարգեւելու:

ՉՈՐՐՈՐԻ ԽՆԴԻՐ: Մեր ամենօրուայ հացը տո՛ւր  
մեզ այսօր: Այս խօսքերով խնդրում ենք, որ աէրը,  
ամեն օր մեզ սայ մեր մարմնոյ և հոգւոյ բոլոր կերա-  
կուրները, այն է՝ կերակուր, Հագուստ, բնակարան և  
չնորհք՝ վարելու Աստուածային պատուիրանները և սուրբ  
խորհուրդները:

ՀԻՆԿԵՐՈՐԻ ԽՆԴԻՐ: Թող մեզ մեր պարտքերը,  
ինչպէս որ մենք էլ մեր պարտականներին ենք թող-  
նում: Այսանկ պարտքերը կոչում են մարդու մեղքերը:  
Մենք պարտաւորուած ենք կատարելու Աստուծոյ  
սահմանած օրէնքները և երբ այդ օրէնքների հակառակ  
ենք զնում, չենք կատարում, նշանակում է յանցանք ենք  
զործում և դառնում Աստուծոյ պարտական: Իսկ պար-  
տապանները կոչում են այն մարդիկը, որոնց դէմ որև  
է բանով յանցանք ենք զործում: Մենք Աստուծուն  
խնդրում ենք թողնել, ներել մեր պարտքերը, այսինքն  
մեր մեղքերը: Այդ խնդրին աւելացնում ենք, որ Տէրը  
թողնի, ների մեր պարտքերը, մեղքերը, այնպէս, ինչպէս  
մենք թողնում ենք մեզ դէմ յանցանք զործողներին.  
որովհետև Նա խոստացել է մեզ թողնել մեր պարտ-  
քերը, միայն այն դէպքում, երբ մենք էլ մեր կողմից

կըթողնենք մեզ դէմ յանցանք գործողներին:

ՎԵՑԵՐՈՐԴ ԽՆԴԻՐ: Եւ մի ձգիր մեզ փորձանքի մէջ, Փորձութիւն կուլում են կեանքի այն դէպքերը, որոնցով մենք հեշտութեամբ ընկնում ենք մեղքի մէջ: Փորձութիւններ մարդուն պատահում են մարմնոյ թուլութիւնից, մարդկանց վատ օրինակներից և սատանայի խաբերայութիւններից: Մենք Աստուծուց խնդրում ենք, որ Նա մեզ ազատի այդ փորձանքներից: Եթէ Աստուծուն հաճելի է փորձութիւններով կատարելագործել մեզ բարի գործերի և առաքինի կեանքի մէջ, այդ իսկ պատճառաւ խնդրում ենք, որ Նա օգնի մեզ յաղթելու փորձանքներին և ազատ մնալու յանցանքներ գործելուց:

ԵՅՐԵՄԻԱՅԻ ԽՆԴԻՐ: Այլ չարիցն ազատիր: Այս խօսքերով խնդրում ենք Աստուծուց, որ Նա մեզ հեռացնի բոլոր չար գործերից, վտանգներից և սատանայի խաբերայութիւններից:

ՓՄՈՒՍԲԱՆՈՒԹԻԻՆ: Որովհետեւ քոնն է թագաւորութիւնը զօրութիւնը և փառքը, յաւիտեանս. ամէն: Այս խօսքերով մենք արտայայտում ենք մեր խոնարհ և շնորհակալական սերը, փառաբանելու Աստուծուն և յոռատելու մեր բոլոր խնդրածները: Ասում ենք քոնն է արքայութիւնը և զօրութիւնը և փառքը յաւիտեանս. ամէն: Նորա թագաւորութեան մէջն է գտնւում մեր բոլոր խնդրածները և Նա զօրութիւն ունի տալու մեզ մեր խնդրածները և ունի յաւիտեանական փառք, որով մենք էլ պիտի լինինք բարի և ողորմած:

Այս աղօթքն ինչու է կուլում Տէրունական Տէրունական աղօթքը քանի՞ խնդիրներից է բաղկացած: Ինչու ենք Աստուծուն

մեր Հայր կոչում: Ինչո՞ւ ենք ամեն տեղ լինող Աստուծուն կոչում երկնային: Ի՞նչ ենք սովորում երկնային Աստուած կոչելովը: Աստուած միայն երկնքո՞ւմն է լինում:

Աստուծուց մեր առաջին խնդրածն ինչ է: Ինչո՞ւ ենք խնդրում խօսքերով. «Սուրբ լինի քո անունը,» ինչո՞վ կարող ենք ծառայել Աստուծոյ և Նորա սուրբ անունը փառաւորելու: Ինչո՞ւ ենք խնդրում խօսքերով. «Քայ քո թագաւորութիւնը:» Ո՞ր թագաւորութեան համար է խօսուում, այս խնդրում: Ինչո՞ւ ենք մեզ համար խնդրում, երբ արդէն պատկանում ենք Աստուծոյ երկրոյին թագաւորութեանը:

Ինչո՞ւ ենք խնդրում խօսքերով. «Քո կամբ լինի» Ինչո՞ւ ենք աւելացնում. «Ինչպէս երկնքումը» խօսքերը:

Ո՞րն է չորրորդ խնդիրը: Ի՞նչ ենք հատկանում. «մեր ամենօրուայ հացը» ասելով:

Ո՞րն է հինգերորդ խնդիրը: Ի՞նչ է նշանակում. «Թո՛ղ մեզ մեր պարտքերը:» Ինչո՞ւ ենք մեր մեղքերը պարտք կոչում: Ինչո՞ւ մենք մեր պարտքերը թողնելու խնդրում աւելացնում ենք. «Ինչպէս որ մենք էլ մեր պարտականներին ենք թողնում:» Որո՞նց ենք կոչում մեր պարտապաններ:

Ո՞րն է վեցերորդ խնդիրը: Ի՞նչ է նշանակում փորձութիւն: Ինչի՞ցն է կեանքի մի քանի դէպքերը մեզ փորձութեան մէջ ձգում: Կարո՞ղ են արդեօք փորձութիւնները մեր հոգուն օգուտ բերել: Ինչո՞ւ ենք խնդրում Աստուծուց, երբ իմանում ենք, որ Նորան հաճելի է մեզ փորձութիւնների ենթարկելու, որպէս-զի դորանք օկտակար դառնան մեզ: Փորձութիւններն ինչո՞վ են մեզ վնաս տալիս: Ի՞նչպէս կարող ենք ազատուել փորձութիւններից:

Ո՞րն է հոթներորդ խնդիրը: Ի՞նչ է նշանակում. «այլ չարիցն ազատիր:» Ո՞ր բանն է չար: Մեր աղօթքն ինչով ենք վերջացնում: Ի՞նչ խօսքերով ենք փառաբանում Աստուծուն:

### § 3. ԱՂՕԹՔ ԴԱՄԻՑ ԱՌԱՋ:

Ամենաբարի Աստու- Ո՞վ ամենաբարի Աս-  
ած, առաքեա՛ առ մեզ տուած, ուղարկի՛ր դէպի՛

զշնորհս Հոգւոյդ Քո սրբ-  
բոյ, զի պարգևեսցէ մեզ  
զմիտս և կազդուրեսցէ  
զգորութիւնս հոգւոց մե-  
րոց, որպէս-զի մեք ըն-  
դունելով զաւանդեալ մեզ  
ուսմունս՝ զարգասցուք  
Քեզ ստեղծողիդ մերում  
'ի փառս, ի մխիթարու-  
թիւն ծնողաց մերոց և  
յօգուտ եկեղեցւոյ և հայ-  
րենեաց:

մեզ Քո սուրբ Հոգուդ  
շնորհքը, որ մեզ միտք  
պարգևի և զօրացնի մեր  
հոգևոր կարողութիւննե-  
րը, որպէս-զի մենք ըն-  
դունելով մեզ տուած ուս-  
մունքը՝ մեծանանք Քեզ  
ստեղծողիդ փառք տա-  
լու, մեր ծնողներին մխի-  
թարելու և եկեղեցուն ու  
հայրենիքին օգտակար լի-  
նելու:

Այս աղօթքի մէջ մենք Աստուծուն անուանում  
ենք ամենաբարի, որովհետև Աստուած ամենքին էլ  
բարիք է ցանկանում: Աստուծուց խնդրում ենք, ա) որ  
իւր սուրբ Հոգու շնորհովը մեզ միտք պարգևի և բ)  
զօրացնի մեր հոգևոր կարողութիւնները (խելք, յիշողու-  
թիւն և ուշադրութիւն): Այդ խնդրում ենք այն պատ-  
ճառաւ, որ դորանց օգնութիւնովը լսենք մեզ աւան-  
դած ուսմունքները: Իորանից յետոյ գ) պարզ յայտնում  
ենք թէ ինչո՞ւ համար ենք մենք ուսումնս ստանում. էոր  
մեծանանք քեզ ստեղծողիդ փառք տալու, մեր ծնո-  
ղացը մխիթարելու և եկեղեցուն ու հայրենիքին օգ-  
տակար լինելու:»

Այս աղօթքով մենք Աստուծուն ինչ ենք անուանում: Ի՞նչ  
կը նշանակէ ամենաբարի: Աստուծուց ինչ ենք խնդրում: Հոգւոյն  
սրբոյ շնորհքը մեզ ինչ օգուտ կարող է բերել: Ինչո՞ւ համար  
ենք կարդում: Որ մեծանանք ինչ պիտի անենք:

§ 4. ԱՂՕԹՔ ԴԱՄԻՑ ՅԵՏՈՅ.

Քոհանամբ դՔէն Արարիչ, զի արժանի արարերբ զմեզ շնորհաց Քոց, ընդունելութեան ուսմունս, օրհնեան զմեծաւորս, ըզժնողս և զուսուցիչս մեր, որք առաջնորդեն մեզ 'ի գիտութիւն բարութեան և տճւր մեզ զկարողութիւն 'ի շարունակութիւն ուսմանս այսորիկ:

Շնորհակալ ենք Քեզանից, ով Արարիչ, որ Քո շնորհովն արժանացրիր մեզ ուսմունք ստանալու: Օրհնիր մեր մեծաւորներին, ծնողներին և ուսուցիչներին, որոնք առաջնորդում են մեզ բարի բաներն իմանալու: Եւ մեզ կարողութիւն տճւր, որ այսուհետև ևս շարունակենք այս ուսումը:

Այս աղօթքի մէջ Աստուծուն մենք անուանում ենք Արարիչ: Արարիչ նշանակում է — ստեղծող:

Այս աղօթքով նախ՝ շնորհակալուած իւրեք ենք յայտնում Արարչին, որ Ա. հոգու շնորհովը արժանացրեց մեզ ուսումն ստանալու: Ապա ինչորոշում ենք, ա) օրհնել մեր մեծաւորներին, ծնողներին և ուսուցիչներին, որոնք առաջնորդում են մեզ բարի բաներ սովորելու և բ) իսկ մեզ էլ ոյժ եւ կարողութիւն տալու մեր ուսումը շարունակելու:

Ի՛հպի ումն ենք դառնում այս աղօթքով: Ի՛նչ է նշանակում Արարիչ: Ինչ՞ու համար ենք շնորհակալ դառնում Արարչից: Այս աղօթքով ինչ ենք խնդրում Նորանից: Ինչ՞ու համար պէտք է օրհնել մեր մեծաւորներին, ծնողներին և ուսուցիչներին: Յետոյ մեզ համար ինչ ենք խնդրում:

§ 5. ԱՂՕԹՔ ԸԱՀԻՑ ԱՌԱՋ.

Աչք ամենեցուն 'ի Քեզ,  
Տէր, յուսան և Դու տաս  
կերակուր նոցա 'ի ժա-  
մու և Բանաս զձեռն Քո և  
լցուցանես զամենեսեան  
քաղցրութեամբ կամօք  
Քովք:

Ամենքի աչքերը դէպի  
քեզ են նայում, Տէր, և  
դու տալիս ես նորանց  
կերակուր ժամանակին,  
Բաց ես անում քո ձեռ-  
քը և լիացնում ես ամեն-  
քին քո ողորմութիւնովը:

Այս աղօթքով Տիրոջ ուշադրութիւնն ենք հրաւի-  
րում, որ ամենքի աչքերը յուսով դէպի Նորան են նա-  
յում, ժամանակին իրենց կերակուրը ստանալու:

Մինչև ճաշելն ինչ աղօթքով ենք դիմում Աստուծուն:  
Ամենքի կերակուրն ո՞վ է տալիս: Աստուած կարո՞ղ է և խնդրող-  
ներին կերակուր չըտալ: Աստուած աւելի որո՞նց է առատ կերա-  
կուր տալիս: Աղօթում էք դուք էլ մինչև ճաշելը:

§ 6. ԱՂՕԹՔ ԸԱՀԻՑ ՅԵՏՈՅ.

Փառք քեզ Տէր, փառք  
քեզ թագաւոր փառաց,  
որ ետուր մեզ կերակուր  
ուրախութեան և լցուցեր  
զսիրտս մեր 'ի լիութենէ  
ամենաբաւական ողոր-

Քեզ փառք, Տէր, քեզ  
փառք փառաց թագա-  
ւոր, որ տուիք մեզ ու-  
րախութեան կերակուր և  
լիացրիք մեր սիրտը Քո  
ամենաառատ ողորմու-

մութեան Քո: Լցն՝ և  
զմեզ հոգւով Քով սրբով,  
որպէս զի գտցուք առա-  
ջի Քո հաճոյք, և մի ա-  
մաշեցեալք զի Դու դաս  
և հատուցանես իւրաքան-  
չիւր ըստ գործս իւր:

Թեան լիութիւնովը: Լի-  
ացրո՛ւ և մեզ Քո սուրբ  
հոգւովը, որ մենք Քո ա-  
ռաջին հաճելի լինինք և  
չամաշենք, որովհետև Դու  
գալու ես և վարձատրելու  
ամենքին իւր գործին հա-  
մեմատ:

Այս աղօթքով մենք Աստուծուն անուանում ենք  
փառաց Թագաւոր և շնորհակալութիւն յայնուում,  
որ մեզ կերակուր տուաւ: Եւ ինչպէս յայնում, ա) որ մեզ  
լիացնի սուրբ հոգւովը, բ) որ հաճելի լինինք և չամաշենք  
Աստուծուց, որովհետև ժամանակին նա գալու է և ա-  
մեն մէկին իւր գործին համեմատ վարձատրելու է: Ով  
աշխատասէր և առաքինի կը լինի, իւր դասերը ժա-  
մանակին կը պատրաստի և Աստուծոյ դրած և իւր  
ուսուցչի տուած պատուիրանները կը պահպանի, նա ա-  
ւելի վարձ կը ստանայ, իսկ ծոյլերը քիչ, կամ զրեթէ ոչինչ:

Այս աղօթքով ինչ խօսքերով ենք շնորհակալութիւն յայտ-  
նում Աստուծուն: Մենք խնդրում ենք էլ ինչով մեզ լիացնելու:  
Ինչո՞ւ ենք ցանկանում սուրբ Հոգւով էլ լիանալու: Ժամանակին  
մենք մեր գործերին համեմատ վարձ ստանալու ենք, թէ՛ ո՛չ:

Ո՞վ կարող է լաւ վարձ ստանալ և ո՞վ քիչ: Դուք էլ էք  
ճաշից յետոյ աղօթում:



§ 7. ԵՐԳ՝ Ի ԴԵՄՍ ՈՐԴԻՈՅՆ ԱՍՏՈՒԾՈՅ՝

Սուրբ Աստուած, սուրբ  
և հօօր, սուրբ և անմահ,  
որ խաչեցար վասն մեր,  
ողորմեան մեզ (երիցս  
կրկնեան):

Սուրբ Աստուած, սուրբ  
և հօօր, սուրբ և անմահ,  
դու որ մեզ համար խա-  
չուեցիր, ողորմիր մեզ  
(երեք անգամ կրկնիր):

Այս աղօթքով խնդրում ենք Աստուածորդուց, որ  
խաչի վրայի իւր մահովը մեզ ազատութիւն պարգևեց  
և մեղքից ազատեց, ողորմի մեզ:

Այս աղօթքով ինչ ենք խնդրում: Մենք ո՛ւմ իշխանութեան  
տակ էինք, որ Քրիստոս մեզ ազատեց:

§ 8. ԱՂՕԹՔ ԱՌ՝ ՍՈՒՐԲ ԿՈՅՍՆ:

Փառաւորեալ և օրհ-  
նեալ միշտ սուրբ կոյս  
Աստուածածին Մարիամ  
մայր Քրիստոսի, մատո՛  
զաղաչանս մեր որդւոյ  
քո և Աստուծոյ մերոյ:

Ո՛վ դու փառաւորուած  
և օրհնուած միշտ սուրբ  
կոյս՝ Քրիստոսի մայր՝  
Մարիամ Աստուածածին,  
մեր աղօթքը հասցրո՛ւ քո  
որդուն և մեր Աստուծուն:

Այս աղօթքով խնդրում ենք Աստուծոյ Մօրից, որ  
մեր աղաչանքները մատուցանի իւր Արդուն և մեր  
Աստուծուն:

Այս աղօթքով Աստուծոյ մօրից ինչ ենք խնդրում: Ինչո՛ւ մենք  
անձամբ չենք խնդրում Քրիստոսից:

§ 9. ԱՂՕԹՔԻ ԹԱԳԱՆՈՐԻ ԱՆՄԱՐ:

Տէր Աստուած մեր,  
կեցն՝ զամենաբարեպաշտ  
Թագաւորն և զկայսրն ա-  
մենայն Ռուսաց զՆԻԿՈ-  
ՂԱՅ ԱԼԷՔՍԱՆԴՐՈՎԻՉԻՆ,  
Զօրացն՝ զնա, օգնեա՛ զա-  
ւակաց և զօրաց նորա՝  
պահելով զամենեսին ՚ի  
խաղաղութեան:

Տէր Աստուած մեր,  
կեանք տուր ամենաբա-  
րեպաշտ Թագաւորին և  
ամենայն Ռուսաց կայսր  
ՆԻԿՈՂԱՅ ԱԼԷՔՍԱՆԴՐ-  
ՈՎԻՉԻՆ: Զօրացրու՛ նո-  
րան, օգնիր նորա զա-  
ւակներին և զօրքերին և  
ամենքին էլ պահպանիր  
խաղաղութեան մէջ:

Այս աղօթքով Աստուծուց խնդրում ենք.

- ա) Ռուսաց և մեր կայսր Նիկողայ Ալէքսանդրովիչին  
կեանք տաւ և զօրացնել նորան:
- բ) Օգնել նորա զաւակներին և զօրքերին, և
- գ) Ամենքին էլ խաղաղութեան մէջ պահպանել:

Այս աղօթքով ինչ ենք խնդրում Աստուծուց: Նիկողայ  
Ալէքսանդրովիչը մեր ինչն է: Պարտաւոր ենք մենք մեր կայսր  
համար էլ աղօթելու: Էլ ո՛ւմ համար պիտի աղօթենք: Զօրքերը  
մեզ ինչ օգուտ են բերում: Թշնամին ինչո՞վ կարող է մեզ վնաս  
տալ:

§ 10. ԱՂՕԹՔ ԱՌԱԻՕՏԵԱՆ:

Գոհանամք դ՛Քէն, Տէր Աստուած մեր,  
Չնորհակալ ենք քեզա-  
Աստուած մեր, որ դար- նից, Տէր Աստուած մեր,

թուցեր զմեզ 'ի հանգըստենէ քնոյ շնորհիւ ողորմութեան Քո: Զարթո՛ զմիտս մեր արդարութեամբ առ քեզ, Տէր Աստուած մեր, զի տեսցեն աչք մեր զփրկութիւն Քո: Եկեսցէ և բնակեսցի առ մեզ Աստուածութիւն Քո և ողորմութիւն Քո հովանի և պահապան լիցի 'ի վերայ պաշտօնէից Քոց: Եւ զմեզ զծառայս քո արժանի արա 'ի տուէ և 'ի գիշերի և յամենայն ժամու միշտ խորհիլ 'ի սէր պատուիրանաց Քոց և գոհանալով փառաւորել զՀայր և զՈրդի և զՍուրբ Հոգիդ այժմ և միշտ և յաւիտեանս յաւիտենից. ամէն:

որ քո ողորմութեան շնորհովը զարթեցրիք մեզ հանգիստ քնած տեղից: Զարթեցրո՛ւ մեր միտքը արդարութիւնով զէպի քեզ, Տէր Աստուած մեր, որ մեր աչքերը տեսնեն Քո փրկութիւնը, գայ և բնակուի մեր մէջ Քո Աստուածութիւնը և Քո ողորմութիւնը հովանի և պահապան լինի Քո պաշտօնեաների վերայ: Եւ մեզ, ծառաներիդ, արժանի արն գիշեր և ցերեկ և ամենայն ժամանակ Քո պատուիրանների վերայ մտածել և շնորհակալութիւնով փառաւորել Հօրը և Որդուն և Սուրբ Հոգուն, այժմ և միշտ և յաւիտեանս յաւիտենից. ամէն:

Այս աղօթքով մեր շնորհակալութիւնն ենք յայտնում մեր Տէր Աստուծուն, որ իւր ողորմութեան շնորհովը մեզ զարթեցրեց մեր հանգիստ քնած տեղից: Զարթնելով քնից, իւրաքանչիւր մարդ իւր առաւօտեան աղօթքն ասելով խնդրում է Տէրից, որ

ա) Նա զարթեցնի մեր միտքն արդարութիւնով զէպի

իրեն, որպէս-զի ամեն թանի մեջ զգաստ լինինք:

բ) Որ մեր աչքերը տեսնին Նորա փրկութիւնը:

գ) Որ իւր Աստուածութիւնը միշտ մեր մէջ բնակուած լինի և ողորմութիւնը հովանի և պահապան լինի մեզ, և

դ) Արժանի անի մեզ, ամեն ժամանակ իւր պատուիրաններէ վերայ մտածելու:

Այս բոլոր պարգևների համար շնորհակալութիւնով պիտի փառաբանենք Նորան, հօրը, Որդուն և Սուրբ Հոգուն այժմ և միշտ և յաւիտեանս յաւիտենից, ամէն:

Առաւօտեան աղօթքով ինչո՞ւ ենք շնորհակալ դառնում Աստուծուց: Ի՞նչ ենք խնդրում Աստուծուց: Մեր աչքերը Աստուծոյ ինչը կարող են տեսնել: Աստուածութիւնն ինչպէս կարող է մեր մէջ բնակուիլ: Աստուծոյ ինչը կարող է մեզ հովանի և պահապան լինել: Ո՞վ կարող է մեզ արժանացնել գիշեր և ցերեկ Աստուծոյ պատուիրանների վերայ մտածել: Այդ ամեն պարգևների համար մենք ինչո՞վ պիտի երախտահատոյց լինինք: Քնից զարթնելուց և երեսներս լուանալուց յետոյ, պարտաւոր ենք միշտ այս աղօթքն ասել, թէ՛ ս:

## § 11. ԱՂՕԹՔ ԵՐԵԿՈՅՆԱՆ:

Տէր Աստուած մեր, Դու պահեան՝ զմեզ խաղաղութեամբ՝ ի գիշերիս յայսմիկ և յամենայն ժամանակի: Ընդ սուրբ երկիրդ Քո բևեռեալ պահեան՝

Տէր Աստուած մեր, դու պահիր մեզ խաղաղութիւնով այս գիշեր և ամեն ժամանակ: Քո սուրբ երկիրդ մէջ հաստատ պահիր մեր միտքը և

զմիտս և զխորհուրդս  
մեր. որպէս-զի յամենայն  
ժամ քե պահպանեալ լի-  
ցուք յորոգայթից թշնամ-  
ւոյն: Եւ Քեզ հանցուք  
զօրհնութիւն և զփառս  
Հօր և Որդւոյ և Հոգւոյն  
սրբոյ. այժմ և միշտ և  
յաւիտեանս յաւիտենից.  
ամէն:

խորհուրդը, որ ամեն ժա-  
մանակ անփորձ և ազատ  
լինինք թշնամու որոգայ-  
թից: Եւ քեզ տանք օրհ-  
նութիւն և փառք՝ Հօրը  
և Որդուն և Սուրբ Հո-  
գուն. այժմ և միշտ և  
յաւիտեանս յաւիտենից.  
ամէն:

Այս աղօթքով մենք Աստուծուն անուանում ենք  
Տէր: Տէր նշանակում է զլսաւոր:

Տէրից մենք խնդրում ենք.

ա) Ամեն ժամանակ մեզ խաղաղութեան մէջ պահ-  
պանելու,

բ) Իւր Սուրբ երկիւղի մէջ հաստատ պահելու մեր  
միաբը և խորհուրդը, որ

գ) ամեն ժամանակ անփորձ և ազատ լինինք թշնա-  
մու որոգայթից և խոտանում ենք

դ) Տալ օրհնութիւն, ապա փառք Հօրը, Որդուն և  
Սուրբ Հոգուն այժմ և միշտ և յաւիտեանս յաւիտենից.  
ամէն:

Երեկոյեան աղօթքի մէջ Աստուծուն ինչ անուն ենք տա-  
լիս. Ի՞նչ է նշանակում Տէր, Մերք Աստուծուց ինչ ենք խնդրում:  
Ինչո՞ւ ենք ասում. «Քո սուրբ երկիւղիդ մէջ հաստատ պահիր  
մեր միաբը և խորհուրդը»: Մեր թշնամիները մեզ ինչ կարող են  
անել, Ինչո՞վ ենք կարող մեր թշնամիներին յաղթել: Երեկոյեան  
աղօթքն ինչո՞վ է վերջանում: Պարտաւոր ինք քնելու ժամանակ  
այս աղօթքն ասելու, թէ՛ ոչ:

## § 12. ՉԱՐԱԿԱՆ ԾՆՆԴԵԱՆ:

Խորհուրդ մեծ և սքանչելի, որ յայսմ աուր յայտնեցաւ, հովիւք երգեն ընդ հրեշտակս՝ տան աւետիս աշխարհի:

Ծնաւ նոր արքայ, 'ի Բեթղեհէմ քաղաքի, որդիք մարդկան օրհնեցէք, զիվասն մեր մարմնացաւ:

Անպաւելին երկնի և երկրի 'ի խանձարուրս պատեցաւ, ոչ մեկնելով 'ի Հօրէ, 'ի սուրբ այրին բազմեցաւ:

Մեծ և զարմանալի խորհուրդ է, որ այսօր յայտնուեց, հովիւները հրեշտակների հետ երգում են և աշխարհին աւետիք տալիս:

Նոր թագաւոր ծնաւ Բեթղեհէմ քաղաքում, մարդկանց որդիք, օրհնեցէք, որովհետեւ նա մեզ համար ծնաւ:

Նա, որի համար երկինք և երկիրը բաւական չեն, բարուրի մէջ փաթաթուեց, Հօրիցն անբաժան մնալով՝ սուրբ այրի մէջ բազմեց:

Ծննդեան շարականը մենք երգում ենք հիկեղեցում Ծննդեան տօներին: Երբ Քրիստոս ծնուեց, ամենից առաջ հրեշտակներն աւետիք տուին հովիւներին, որ զաշտում ոչխարներ էին պահում: Այդ տօնը մինչև այսօր էլ մենք կատարում ենք: Մենք էլ գնում ենք մեր բարեկամների և ծանօթների տները, աւետիք տալիս և շնորհաւորում Ծննդեան և մկրտութեան տօնը:

Հրեշտակների աւետիքն այս էր. «Բեթղեհէմ քաղա-

բում նոր թագաւոր ծնաւ, մարդկանց որդիք օրհնեցէ՛ք,  
որովհետեւ նա մեզ համար ծնաւ:»

Այդ նոր թագաւորը մեր Տէր Յիսուսն էր:  
Ծննդեան տօնին քահանաները Հրեշտակների օրինակի  
պէս շրջում են իրենց ժողովրդականների տները և  
«խորհուրդ մեծ» երգելով աւետիք տալիս նորանց:

Մենք ծննդեան տօնը կատարում ենք մկրտութեան  
տօնի հետ միասին:

(Ուսուցիչը պէտք է աշակերտներին պատմի Քրիստոսի  
ծննդեան և մկրտութեան պատմութիւնը և պատ-  
մել տայ նորանց:)

Ծննդեան շարականը սրտեղ ենք երգում: Հրեշտակները  
հովիւներին ինչո՞ւ համար աւետիք տուին: Ի՞նչ չէք գնում ձեր  
բարեկամների և ծանօթների տներն աւետիք տալու: Հրեշտակ-  
ների օրինակի պէս աւետիք տալու համար սիքեր են ժողովրդի  
տները շրջում: Հրեշտակների աւետիքն ինչո՞ւմն է կայանում:  
Ո՛վ էր այդ նոր թագաւորը:



## ԵՐԿՐՈՐԴ ԲԱԺԻՆ

### § 1. ՍՈՒՐԲ ԿՈՅՍ ՄԱՐԻԱՄԻ ԾՆՈՒՆԴԸ ԵՒ ՏԱՃԱՐԻՆ ԸՆԾԱՅՈՒԻԼԸ:

Երբ մօտեցաւ աշխարհիս խոստացուած Փրկիչ—  
Քրիստոսի գալու ժամանակը, Պաղեստինում ապրում  
էին երկու բարեպաշտ մարդիկ, Յովակիմը և նորա  
կին Աննան: Յովակիմը ծագում էր Գաւթ մարգարէի  
ցեղիցը, իսկ Աննան Ահարօն քահանայապետի: Նորանք  
որդի չունէին և այդ մասին շատ տխրում էին: Զերմն  
աղօթում էին նորանք, որ Աստուած իրենց մի որդի  
պարգևի և դորա հետ ուխտ էին դրել, եթէ Աստուած  
կատարի իրենց խնդիրը, այն ժամանակ այդ որդուն  
նորան ընծայել: Աստուած լսեց նորանց աղօթքը և  
մի աղջիկ պարգևեց, որին կոչեցին Մարիամ: Երբ  
Մարիամը դեռ նորահաս մանուկ էր (3 տարեկան),  
Յովակիմը և Աննան իրենց ուխտը կատարելու հա-  
մար, նորան օրիորդների ուղեկցութիւնով և վառած  
կանթեղներով, տարան տաճարը և կանդնեցըին սան-  
դուղտների առաջին աստիճանի վերայ: Սանդուղտների  
բարձրումը կանգնել էր քահանայապետը և տաճարի  
դռների մօտ ընդունեց և օրհնեց Աստուծուն ընծայ  
բերողներին: Ուղղակի տաճարը ոչ ոք իրաւունք չու-  
նէր մտնելու, բացի քահանաներից, բայց Մարիամի  
հետ պատահեց հետևեալ անցքը: Նա ինքը բարձրա-  
ցաւ Սանդուղտի տասնհինգ աստիճանները և մօտե-  
ցաւ քահանայապետին: Այն ժամանակ քահանայա-  
պետը, Աստուծոյ հրամանով, նորան տարաւ մինչև



անգամ «սրբութիւն սրբոց» կոչուած տեղը, տաճարի գլխաւոր մասը, որտեղ միայն ինքը կարող էր մտնել, այն էլ տարին մի անգամ։ Այստեղ սուրբ Հոգւոյ շնորհովը Մարիամը աղատ մնաց անմաքուր գործերից և յանցանքներէից։

(Ս. կոյս Մարիամի ծնունդը տօնուով հնք ամենայն տարի Սեպտեմբ. 8-ին, իսկ տաճարն ընծայուելը Նոյեմբ. 21-ն)։

Ս. կոյս Մարիամի ծնողներն սմբեր էին Նորանք սւմ ցեղիցն էին։ Նորանք ինչո՞ւ համար էին Աստուծուն շատ աղօթում։ Նորանք Աստուծուն ինչ ուխտ էին արել։ Աստուած նորանց խնդիրը կատարեց։ Նորանք իրենց որդուն ինչ անուն դրին։ Մարիամի ծնողներն նորան սւր տարան, Աստուծուն ընծայելու համար։ Ո՞վ ընդունեց և օրհնեց Մարիամին։ Մարիամի հետ ինչ անցք պատահեց։ Քահանայապետը Մարիամին տաճարի սր մասը տարաւ։ Ուրիշ մարդիկ էլ կարող էին այն մասը մտնելու։ Նա տաճարում ինչպիսի կրթութիւն ստացաւ։ Մարիամի ծնունդը և տաճարն ընծայուելը երբ հնք կատարոււմ։

§ 2. Ս. ԿՈՅՍ ՄԱՐԻԱՄԻՆ ԱԻԵՏԻՍ ՏԱԼԸ ԵՒ ՆՈՐԱ ԱՐԴԵՐ ԵՂԻՍԱՔԵԹԻՆ ԱՅՅԵԼԵԼԸ։

Ղուկաս. գլ. Ա. 26—56

Սուրբ կոյս Մարիամի տաճարում եղած ժամանակ, նորա ծնողները մեռան։ Երբ նա 14 տարեկան դարձաւ, դաստիարակները կամեցան նորան ամուսնացնել, բայց նա ասաց, որ ինքն Աստուծուն ուխտ է

զրել, միշտ հոյս մնալու: Այն ժամանակ քահանաները նորան նշանեցին, նորա ազգական Յովսէփ ծերունու հետ և միևնոյն ժամանակ յայտնեցին նորան, թէ նա Աստուծուն ինչ ուխտ է դրած:

Յովսէփն ապրում էր Գալիլեայի Նազարէթ քաղաքում և պարապում հիւանութիւնով: Մարիամն էլ նորատան մէջ բնակուեց և իւր ձեռագործութիւնով օգնում էր նորան:

Մէկ անգամ երբ Մարիամը սուրբ գիրք էր կարդում, Գաբրիէլ հրեշտակապետը երևեցաւ նորան և ասաց. «Որսնայացի՛ր Մարիամ, Աստուած քեզ նետ է, օրհնուած նա Գոռ կանանց մէջ: Հոգին սուրբը կը գայ քեզ վերայ և բարձրեալի զօրութիւնը հովանի կը լինի քեզ, դու մի որդի կը ծնես և անունը կը դնես Յիսուս: Նա մեծ կը լինի և բարձրեալի որդի կը կոչուի և Տէր Աստուած կը տայ նորան, նորա հօր, Դաւթի, աթոռը և նորա թագաւորութեանը վերջ չի լինիր»: Սուրբ կոյս Մարիամը խոնարհութիւնով ընդունեց այս բարի աւետիքը:

Հրեշտակապետից բարի աւետիք լսելով Ս. կոյս Մարիամը շտապով գնաց Յուզայի քաղաքը (Երուսաղէմից դէպի հարաւ) իւր ազգական Զարարիայի տունը, Եղիսարէթի տեսութեան: Եղիսարէթն այդ ժամանակ ս. Հոգւով լցուած լինելով՝ և Մարիամին հանդիպելով՝ ասաց. «Օրհնուած նա դու կանանց մէջ և օրհնուած է քո որդիայնի պտուղը: Եւ որտեղի՞ց է ինձ այս ուրախութիւնը, որ իմ տիրոջ մայրը եկաւ ինձ մօտ»: Ս. կոյս Մարիամը հրեշտակի աւետումը Եղիսարէթից էլ լսելով՝ իւր երգերով փառաբանում էր Աստուծուն: Նա երեք ամիս մնաց Եղիսարէթի մօտ և ապա վերադարձաւ Նազարէթ:

— ամ (Ս. կոյս Մարիամի աւետման տօնը կատարում ենք  
— մե քանի՞ ամենայն տարի Ապրիլի 7-ին) մաղում զգնմ  
մաղում միլլիմուսայ իսամանա ւ միլլիմի մ առժ ամուղ

Յովակիմը և Աննան ապրեցին մինչև Մարիամի չափահաս դառնալը, թէ ոչ, Նորանց մահից յետոյ Մարիամն ո՞ւր խնամքին մնաց։ Երբ նա չափահաս դարձաւ, քահանաներն ինչո՞վ վճռեցին նորա վիճակը։ Մարիամն ինչ պատասխանեց, երբ նորան առաջարկեցին ամուսնանալ Այն ժամանակ քահանաներն ինչ արին, Նորանք Յովսէփին հասկացրին Մարիամի ուխտադրութիւնը։ Յովսէփին այդ ժամանակ որտե՞ղ էր ապրում և ինչո՞վ պարապուում։ Յովսէփի տանը Մարիամը ինչո՞վ էր պարապուում։ Մարիամը ինչո՞վ իմացաւ, որ ինքը Աստուծոյ մայր է նշանակուած։ Գարբիէլ հրեշտակապետն այդ մասին ինչպէս աւետեց։ Հրեշտակապետը նորա ապագայ որդու մասին ինչ ասաց նորան։ Մարիամն այդ աւետիքը հրեշտակապետից ինչպէս ընդունեց։ Աւետումից յետոյ Ս. Մարիամն ո՞ւր դնաց։ Եղիսաբէթը ինչպիսի ողջոյնով ընդունեց նորան։ Ինչո՞ւ համար Եղիսաբէթը նորան տիրոջ մայր անուանեց։ Նա ինչպէս իմացաւ, որ Մարիամից պիտի ծնուի աշխարհի Փրկիչը։ Եղիսաբէթի աւետումին Մարիամն ինչ պատասխանեց։ Մարիամը Եղիսաբէթի մօտ երկա՞ր ժամանակ մնաց։ Ս. կոյս Մարիամի աւետման տօնը երբ ենք կատարում։

§ 3. ՔՐԻՍՏՈՍԻ ԾՆՈՒՆԴԸ ԵՒ ԲԵԹՂԵՀԷՄԻ ՀՈՎԻՒՆԵՐԻ ՆՈՐԱՆ ԵՐԿՐՊԱԳԵԼԸ։

Ղուկաս. գլ. բ. 1—21 Մատթ գլ. ա. 18—25

Քրիստոսի ծննդեան ժամանակը մօտեցել էր։ Այդ ժամանակներում Հռովմայեցւոց կայսրից հրաման դուրս եկաւ, ընդհանուր աշխարհագիր անելու։ Այդ պատճառաւ ամեն մի հրէայի հրամայուած էր իւր հայրենի

քաղաքը գնալու, որտեղից ծագում էին իրենց նախորդները: Յովսէփն ու Մարիամը ծագում էին Դաւիթ թագաւորի ցեղիցը, այդ պատճառաւ նազարէթից գնացին Բեթղէմի, Դաւիթի քաղաքը: Մարգարէների դուշակութեան համեմատ, Քրիստոս այդ քաղաքում պիտի ծնուէր: Այստեղ նորանք իջևաններում իրենց բնակութեան համար տեղ չը գտան և գնացին մի այրի մէջ իջևանեցին, որտեղ հովիւները գիշերները, անձրեային և ցուրտ եղանակներին, պահպանում էին իրենց հօտը: Հէնց միևնոյն այդ այրում գիշերը (աշխարհիս ստեղծագործութիւնից 5508 տարի անցած) Ս. կոյս Մարիամից ծնուեց Աստուծոյ Որդիւն, որ ոչ միայն հասարակ մարդ էր, այլ և միևնոյն ժամանակ և Աստուած: Ս. կոյս Մարիամը Աստուած որդուն խանձարուրով պատեց և մարի մէջ դրաւ:

Աշխարհիս Փրկչի ծնուելու մասին ամենից առաջ իմացողները Բեթղէմէմի *Ոսթիւններն* էին: Քրիստոսի ծնուելու գիշերը, նորանք իրենց հօտերով դաշտում էին՝ յանկարծ նորանց մէջ մի անսովոր լոյս երևաց և Աստուծոյ հրեշտակը մօտեցաւ նորանց և ասաց. «Մի վախենաք, ես ձեզ մեծ ուրախութիւնս եմ աւետում, այժմ Դաւիթի քաղաքում ձեզ համար Փրկիչ ծնուեց, որ է օծեալ Տէրը: Եւ ահա ձեզ նշան. դուք կը գտնէք մանկանը խանձարուրում պատած և մարում դրած»: Այդ միջոցին երկնքում շատ հրեշտակներ երևացին, որ երգում էին. «Փառք Աստուծոն և բարձրօրէն և և երկրի վերայ իսաղահոսթիւն և մարդկանց մէջ հաճութիւն»: Երբ հրեշտակները աներևոյթացան, նորից մուլթը պատեց: Այն ժամանակ հովիւները գնացին այրը և այնտեղ գտան մարում դրած և խանձարուրում պատած մանկանը: Նո-

րանք երկրպագութիւն տուին նորան, ինչպէս Աստուծու և պատմեցին Յովսէփին և Մարիամին այն, ինչ որ լսել էին և տեսել:

Հրէաների սովորութեան համեմատ ութերորդ օրը մանկանը թլփատեցին և անուանակոչեցին Յիսուս, որ նշանակում է Փրկիչ:

(Յիսուսի ծննդեան տօնը մենք կատարում ենք ամենայն տարի մկրտութեան տօնի հետ միասին Յունվարի 6-ին):

Յովսէփն ու Մարիամը այն ժամանակ սրտեղ էին բնակւում, երբ Քրիստոս պիտի ծնուէր: Աստուած Քրիստոսի ծնուելու տեղն սրտեղ էր որոշել: Մարիամին ինչը ստիպեց Բեթղեմէմ զնալու: Նա Բեթղեմէմում սրտեղ իջկանեց: Ո՞ր ժամանակ ծնուեց Քրիստոսը: Քրիստոս ինչու համար էր կոչւում նաև Մարդ Աստուած: Մարիամը մանուկին սրտեղ դրաւ: Առաջինն սովքեր իմացան մանկան ծնուելու մասին: Այդ ժամանակ հովիւներն սրտեղ էին: Քրիստոսի ծնուելու մասին նորանց սով աւետիք տուաւ: Նորանք ինչ արին լսելով այդ աւետումը: Նորանք սււմ պատմեցին հրեշտակներին տեսնելը: Քրիստոսին ինչ անուն դրին: Քանի՞երորդ օրը նորա անունը դրին և ինչ սովորութիւն կատարուեցաւ: Մենք ծննդեան տօնը երբ ենք կատարում:

§ 4. ՔՐԻՍՏՈՍԻ ՔԱՌԱՍՆՅՈՐԵԱՅ ԴԱԼՈՒՍՏՆ Ի ՏԱՃԱՐԿԱՄ ՏՆԱՌՆԸՆԴԱՌԱՋ:

Ղուկաս. գլ. ր. 22—38

Մովսիսական օրէնքի համեմատ, ամեն մի անդրանիկ արու զաւակի, ծննդեան քառասներորդ օրը, նուաճում էին տաճարը և այնտեղ նորա համար Աստուծուն մատաղ անում, հարուստները մի, մի հօրթ կամ ոչխար,

իսկ չքաւորները մի գոյգ աղաւնու ձագ: Ս. կոյս Մարիամն ու Յովսէփը իրենց որդուն տարան տաճարը և մատաղ անելու համար էլ երկու աղաւնու ձագ: Այդ ժամանակ շերուսաղէմի տաճարում բնակւում էր Սիմէոն ծերունին, որին Սուրբ Հոգին առաջուց յայտնել էր, որ ինքը չի մեռնիլ, մինչև չը տեսնի Քրիստոսին: Սիմէոնը հանդիպեց մանկանը տաճարում և Աստուծոյ յայտնելովն իմացաւ, որ նա ինքն է աշխարհի Փրկիչը: Նա Յիսուսին իւր գիրկն առաւ, փառք տուաւ Աստուծուն և ասաց. «Տէ՛ր, այժմ Քո յօսքի հասկնաւտ արձակիր Քո ժառուշին իսրայտոյ թիւում, որովհետև իմ աչքերս տեսան Փրկչին, որին պատրաստեցիր ժողովրդի համար: Իսկ հիմա անուսնի յոյսը եւ իսրայեղացիների փառքը»: Յետոյ նա դուշակեց, որ «հրէաներից շատերը կը հաւատան Նորան և կը փրկուին, իսկ շատերն էլ չեն հաւատալ և կը լիորչին: Իսկ Նորա մօրը այնպիսի մի տրամուլիւն կը պատահի, որ կը կարծի թէ իրա սիրտը նիզակ են լսոցել»: Սիմէոն ծերունուն մենք անուանում ենք Աստուածընկալ: Այդ ժամանակ տաճարումն էր 84 տարեկան այրի Աննա Մարգարէտուհին, նա էլ փառաբանեց Աստուծուն և ամենքին յայտնեց, որ Մանուկ Յիսուսը աշխարհիս խօստացուած Փրկիչն է:

Տեառնընդառաջի տօնը մենք միշտ կատարում ենք  
Փետրվարի 14-ին:

Նորածին մանկանց համար հրէաներն ինչ սովորութիւն ունէին: Մարիամն ինչպիսի՞ գոհ տարաւ, Քրիստոսի մասին տաճարումն իմացող գտնուեց, Սիմէոն ծերունին ինչ ասաց Աստուծոյ մանկան մասին: Նա Ս. Մարիամի համար ինչ գուշակեց: Աննան ինչ ասաց: Տեառնընդառաջի տօնը մենք կըր ենք կատարում:

ՄՈԳԵՐԻ ԵՐԿՐՊԱԳՈՒԹԻՒՆԸ: ՅՈՎՍԷՓԻ ԵՒ ՄԱՐԻԱՄԻ  
ԵԳԻՊՏՈՍ ՓԼԽՉԻԼԸ ԵՒ ԱՅՆՏԵՂԻՑ ՎԵՐԱԴԱՌՆԱԼԸ:

Մատթ. գլ. բ. 1—23 Ղուկաս. գլ. բ. 39—40

Մարկ. գլ. գ. 3.

Քրիստոսի ծննդեան ժամանակներում արևելեան կողմից մոգեր, այսինքն իմաստուն մարդիկ, եկան Երուսաղէմ և հարցնում էին. «Ո՞ւր է հրէաների նորածին թագաւորը». մենք տեսանք, ասում էին նորանք, «նորա աստղը արևելքում և եկանք նորան երկրպագութիւն տալու»: Մոգերի հարցմունքը շփոթեցրին Հէրովդէս թագաւորին և նա հարցրեց հրէից զպիւրներին թէ. «Ո՞ր տեղ պիտի ծնուի Քրիստոսը»: Նորանք պատասխանեցին. «Բեթղեհէմ քաղաքում. մարգարէներէց այդպէս է գրուած»: Այն ժամանակ թագաւորն այդ մասին յայտնեց մոգերին և խնդրեց նորանց. «Երբ գտնէք մանկանը, ինձ էլ յայտնեցէք, որ ես էլ գնամ երկրպագութիւն տալու»: Մոգերը գնացին Բեթղեհէմ և տեսան այն գերբնական աստղը, որ իրենք տեսել էին արևելքում, կանգնած է մէկ տան վերայ: Նորանք մտան այդ տունը և գտան այնտեղ Մանկանը իւր մօր հետ, երկրպագութիւն տուին նորան, ինչպէս Աստուծու և մատուցին իրենց ընծաները: Նորանք ցանկանում էին վերադառնալ Երուսաղէմ և Մանկան մասին պատմել թագաւորին, բայց միւս գիշերը, քնի մէջ երագում, Աստուծուց հրաման առան, որ Հէրովդէսի մօտ չը գառնան և ուրիշ ճանապարհով գնացին իրենց երկիրը:

25

Հերովդէսն՝ երբ իմացաւ, որ մողերն իրենց տունն են վերադարձել, հրամայեց Բեթղեհէմի մէջ եղած մինչև երկու տարեկան հասակն ունեցող բոլոր մանուկներին կոտորել: Նա յուսով էր, որ նորանց թւում կը սպանուէր և Յիսուսը, բայց Աստուծոյ հրամանով, Յովսէփն ու Մարիամը մանկան հետ, սպանողների գալուց առաջ, փախել էին Եգիպտոս: Հերովդէսի հրամանով՝ նորա ծառաները Բեթղեհէմում սպանեցին 14,000 մանուկ: Գորանից յետոյ շուտով Հերովդէսն էլ մեռաւ, այն ժամանակ Յովսէփը Եգիպտոսից վերադարձաւ և Գալիլեայի Նազարէթ քաղաքում բնակուեցաւ:

Նազարէթում Յիսուսը մինչև իւր 30 տարեկան դառնալը, բնակւում էր Յովսէփի և Մարիամի մօտ և հնազանդւում նորանց: Նա աճում էր և լցւում իմաստութիւնով և սիրով ղէպի Աստուած և ղէպի մարդիկ: Նա օգնում էր Յովսէփին հիւանութեան գործում:

Հեթանոսներից Քրիստոսի ծնուելու մասին սովբեր իմացան: Մոգերն ինչպէս իմացան: Նորանք Քրիստոսին ինչպէս գտան: Հերովդէսն ինչ մտքով նորանց օգնեց: Մոգերը յետոյ Հերովդէսին յայտնեցին մանկան մասին: Հերովդէսն այդ իմանալով ինչ արաւ: Մանուկ Քրիստոսն ինչպէս ազատուեց այն մահից, որ Հերովդէսն էր պատրաստել: Քրիստոս միշտ Եգիպտոսում մնաց: Յետոյ Նա սրտեղ բնակութիւն հաստատեց: Քրիստոս Նազարէթում երկար ժամանակ մնաց: Ինչպիսի կեանք էր անցկացնում այնտեղ: Ինչով էր պարապւում:



**ՍՈՒՐԲ ՅՈՂՀԱՆՆԷՍ ՄԿՐՏԻԶ,**

Ղուկաս. գլ. ա. 5—25 և 57—80 Մատթ. գլ. գ. 1—12

Ղուկաս. գլ. գ. 2—18:

Այն ժամանակ, երբ Քրիստոս պիտի ծնուէր, Հրէաստանում ապրում էին երկու բարեպաշտ մարդ *Ջաքարիայ* քահանան և իւր կին *Յղիսարէթ*ը: Նորանք խորին ծերութեան էին հասել, բայց զաւակ չունէին: Մի անգամ երբ *Ջաքարիան* մտել էր տաճարի սրբութիւն սրբոցը՝ խունկ ծխելու, *Գաբրիէլ* հրեշտակապետը երևաց նորան և ասաց. որ քո աղօթքը լսելի դարձաւ Աստուծուն և Յղիսարէթ կնոջիցդ *Յովհաննէս* որդին կը ծնուի: Նա Ս. Հոգուց շնորհք կը ստանայ մարդկանց պատրաստելու, աշխարհիս Փրկչին ընդունելու համար: Նա *Տիրոջ Կարգապետը* կը լինի և կը պատրաստի նորա ճանապարհը: Հրեշտակապետի գուշակութիւնը կատարուեց. վեց ամիս Քրիստոսի ծննդից առաջ *Ջաքարիային* և *Յղիսարէթին* մի որդի ծնուեց, որին կոչեցին *Յովհաննէս*:

*Յովհաննէսը* երիտասարդ հասակից սկսած անպատումն էր բնակւում, և կերակրւում էր մարախ և վայրենի մեղր ուտելով: Նա միայն ջուր էր խմում: Հագուստն ուղտի բրթից էր, իսկ գօտին մաշկեղէն: Երբ նա երեսուն տարեկան դարձաւ, սկսեց Յորդանան գետի եզերքում քարոզել ժողովրդին, Քրիստոսի շուտ երևալու մասին: Ժողովուրդն ամեն կողմից հաւաքւում էր նորա քարոզները լսելու: *Յովհաննէսն* իւր մօտ եկողներին ասում էր. «Ապաշխարեցէք, որովհետև երկնքի

արքայութիւնը մօտեցել է, ապաշխարութեան արժանի պտուղ արէք»։ Եւ շատերը, Յովհաննէսի մօտ եկողներից, Յորդանան գետում մկրտուեցին նորանից, խոստովանելով իրենց մեղքերը։ Ամենքին էլ հրաւիրելով ապաշխարելու՝ Յովհաննէսը նորանց կարիքների համեմատ առանձին, առանձին խրատներ էր տալիս։

Յովհաննէսի մօտ եկան Փարիսեցիները, հպարտ իրենց արտաքին Աստուածապաշտութիւնովը, ողորմութիւն տալովը և պաս պահելովը։ Նորանք այդ շատ անգամ կատարում էին միայն մարդկանց ցոյց տալու համար և միևնոյն ժամանակ անողորմն էին դէպի ազգայինները և դժբաղդները։ Նորանց հարցին. «Մենք ինչ պէտք է անենք»։ Մարդարէն պատասխանում էր. «Ով երկու հանդերձ ունի, թող մէկը շունեցողին տայ, կերակուր ունեցողը թող նոյնն անի»։ Նորա մօտ եկան և Սադուսադեները. Հոովմայեցւոց հարկահանները-հրէաները նորանց ասում էին և խորշում։ Նորանց հարցին. «Մենք ինչ անենք»։ Յովհաննէսը պատասխանում էր. «Ժողովրդից օրէնքով որոշուած տուրքից աւելի մի առնէք»։ Զինուորները հարցրին. «Բայց մենք ինչ անենք»։ Յովհաննէսը նորանց էլ պատասխանեց. «Դուք էլ ոչ ոքի մի վիրաւորէք, ոչ ոքի մի զրպարտէք և ձեր ռոճկովը բաւականացէք»։

Յովհաննէս — Մկրտիչը երբ աշխարհ եկաւ։ Այլքեր էին նորա ծնողները։ Զաքարիան գիտէր, որ իրեն որդի, մեծ մարգարէն պիտի ծնուի։ Ա՛յլ և երբ նորան աւետիս տուաւ այդ մասին։ Զաքարիայի այդ որդուն ինչ անուն դրին։ Յովհաննէսն ինչպիսի կեանք էր վարում։ Արտեղից էր ստանում իւր կերակուրը։ Ինչ հազուաւ էր հագնում։ Նա սրտեղ էր ապրում։ Նորա քարոզներն

ինչո՞ւմն էր կայանում: Նորանց հետ, որոնք խոստովանում էին իրենց յանցանքներն ինչ էր անում նա: Նա փարիսեցիներին, դպիրներին և զինւորներին ինչպիսի՞ խրատներ տուաւ:

§ 7. ՔՐԻՍՏՈՍԻ ՄԿՐՏՈՒԹԻՒՆԸ:

Մատթ. գլ. գ. 13—17. Մարկ. գլ. ա. 9—12. և Ղուկաս. գլ. գ. 21—22:

Մի անգամ շատերի թւում Յիսուսն էլ եկաւ Յորդանան, Յովհաննէսի մօտ, նորանից մկրտուելու: Մարգարէն արգելեց նորան և ասաց. «Ես պէտք է քեզանից մկրտուիմ և Դ՞ո՞ւ ես ինձ մօտ գալիս»: Յիսուս նորան պատասխանեց, որ այս Աստուծոյ կամքն է և մարդիկ ամեն ժամանակ պիտի հնազանդուին նորան: Այն ժամանակ Յովհաննէսը մկրտեց նորան: Յիսուս մկրտուելուց յետոյ, երբ ջրից դուրս եկաւ և աղօթում էր, երկինքը բացուեց և Հոգին սուրբը ազանու կերպարանքով իջաւ նորա վերայ և երկնքից ձայն լսուեցաւ, որ ասում էր. «Դա է իմ սիրելի որդին, որին հաւանեցի»: Յիսուսն այն ժամանակ մօտ երեսուն տարեկան էր:

Յիսուս մկրտուելուց յետոյ, հեռացաւ, զնաց անապատը, որտեղ քառասուն օր և քառասուն զիշեր ծոմ պահեց և աղօթքով պատրաստեց իւր անձը, մարդկանց մեղքից փրկելու մեծ գործի համար: Այդ ժամանակ նա փորձուեց սատանայից և յաղթեց նորան Աստուծոյ խօսքով:

(Մկրտութեան տօնը մենք միշտ կատարում ենք

Յունւարի 6-ին):

Յովհաննէս Մկրտիչը Յիսուսին սրտեղ պատահեց: Յիսուս ինչո՞ւ համար եկաւ Յովհաննէսի մօտ: Յովհաննէսը համաձայնուեց

Յիսուսին մկրտելու: Յիսուս նորան ինչ ասաց: Յիսուս քանի տարեկան էր երբ մկրտուեց: Յիսուս մկրտուելուց յետոյ ո՛ր գնաց: Անպատում նա ինչ արաւ: Ինչո՞ւ համար քառասուն օր և քառասուն զիշեր ծոմ պահեց: Այդ ժամանակ նա ո՛ւմնից փորձուեց: Յաղթեց սատանային, թէ յաղթուեց: Ո՛ւմ խօսքով յաղթեց: Մկրտութեան տօնը երբ ենք կատարում:

### § 8. ՔՐԻՍՏՈՍԻ ՀՐԱՉԱԿՈՐԾՈՒԹԻՒՆՆԵՐԸ:

Կարճ ժամանակի մէջ ամբողջ Հրէաստանում սկսեցին խօսել, նազարէթցի Յովսէփի որդի, Քրիստոսի հրաշագործութիւնների մասին և ժողովուրդը խուռն բազմութիւնով գնաց նորա յետևից: Քրիստոս մի խօսքով խաղաղացրեց փոթորիկը, գնաց ջրի վերայ, ինչպէս ցամաքի վերայ, հինգ հացով և երկու ծկնով հինգ հազար մարդու կերակրեց և մի խօսքով մեռելներին յարութիւն տուաւ:

Մի առանձին ուրախութիւնով մօտեցան Քրիստոսին անբաղդ մարդիկը և նորանցից ոչ մէկը առանց օգնութիւն և մխիթարութիւն ստանալու չը հեռացաւ նորանից: Կոյրերին նա տեսցնել տուաւ, խուլերին լսել, անդամալոյծներին բժշկեց, բորոտներին սրբեց և զիւահարներին շար ոգիներից ազատեց: Ոչ ոքի նա չը հեռացրեց իրենից, ուրիշներից ատելի դարձած, մեղաւոր և հեթանոս մարդիկն էլ նորանից օգնութիւն ստացան: Իւր մօտ եկող և օգնութիւն խնդրողներից նա պահանջեց, որ հաւատան Իրեն և բժշկուածներին արձակում էր խրատելով. «Նայիր, այլ ևս չըմեղանշես, որ աւելի վատ չը լինի քեզ»:

Բժշկելով հիւանդներին, Քրիստոս քարոզեց և սովորեցրեց ժողովրդին, թէ ինչպէս պիտի ապրեն, որ վերկուժիւն գտնեն և մտնեն երկնքի, արքայութիւնը: Նա ասում էր. «Ապաշխարեցէք, երկնքի արքայութիւնը մօտեցել է, հաւատացէք աւետարանին (այսինքն *փրկութեան յարի հաւթարհն*):» Նա քարոզեց ամեն տեղ. լճի ափին, դաշտում, սարի վերայ, մասնաւոր տներում, ժողովարաններում և նոյն իսկ տաճարումը: Քրիստոս իւր ասելիքը մարդկանց հասկացրեց, երբեմն ուղղակի ասելով և երբեմն *ստասկներով*:

Ժողովրդից շատերը հաւատացին Քրիստոսին՝ տեսնելով նորա կատարած հրաշագործութիւնները: «Մեր մէջ մեծ մարգարէ է երևացել, Աստուած այցելել է իւր ժողովրդին», ասում էին ամեն կողմից: Նորանք զարմանում էին նորա քարոզներից և ասում էին. «Ոչ մի մարդ չի քարոզել այնպէս, ինչպէս քարոզում է սա»:

Բայց Յիսուսի քարոզները և գործերը դուր չեկան իրենց զիտութիւնով հպարտացող *դպիրներին* և իրենց բարեպաշտութիւնով գովարանող *փարիսեցիներին* և նորանք ատեցին նորան: Նորանք Յիսուսին մեղաւորների բարեկամ համարեցին և ասացին, որ Նա Աստուածանից չի ուղարկուած, որովհետև օրէնքի հակառակ է գնում և չի հետևում Նախնեաց ականդութիւններին. իսկ նորա հրաշագործութիւնների մասին տարածեցին, թէ Նա սատանայի զօրութիւնովն է գործում: Վերջապէս նախանձը, Յիսուսի թշնամիներին, հասցրեց այս վճռին—սպանել նորան:

Ժողովուրդը ինչ բանով գրեւորեց դէպի Քրիստոս ինչպիսի մարդիկն էին ուրախութեամբ գալիս Քրիստոսի մօտ: Իժարարներին Քրիստոս ինչ օգնութիւն ցոյց տուաւ: Ինչ էր պահան-

Չում նորանցից, որոնց օգնութիւն էր ցոյց տալիս: Քրիստոս որտեղ էր տալիս իւր քարոզները: Ի՞նչ ձևով էր նա իւր քարոզները տալիս: Ի՞նչ է նշանակում առակ: Ժողովուրդը Քրիստոսի հրաշքների և քարոզների մասին ի՞նչ էր ասում: Բոլոր Հրէաներն էլ յարգում էին Քրիստոսի գործերը և քարոզները: Քրիստոսի դէմ սովբեր վերկացան: Ինչո՞ւ համար դպիրները և փարիսեցիները նորան թշնամի դարձան: Նորանք Քրիստոսի մասին ի՞նչ էին ասում: Նորանք կարողացան իրենց զրպարտութիւններով ժողովրդին սառցնել Քրիստոսից: Նորանք վճռեցին Քրիստոսին ի՞նչ անել:

§ 9. ՔՐԻՍՏՈՍԻ ՅԱՂԹԱԿԱՆ ՄՈՒՏՔՆ ԵՐՈՒՍԱՂԷՄ:  
(Ծագկազարդ)

Մարկ. գլ. Ժա. 1—11. Մատթ. իա. 1—17. Ղուկ. ԺԺ. 29—46. Յովհ. Ժբ. 12—19

Չատկից վեց օր առաջ, Քրիստոս կրկին եկաւ Բեթանիայ գիւղը և այդտեղից, *Զիթեննաց* սարով, ճանապարհուեց Երուսաղէմ գնալու: Նորա յետևից ժողովրդից մեծ բազմութիւն գնաց: Հասնելով *Զիթեննաց* սարին, Քրիստոս պատուիրեց իւր աշակերտներին, գնալ մերձակայ գիւղից մի աւանակ ըրերելու: Աշակերտները ըրին աւանակը, որի վերայ մարդկանցից, ոչ ոք չէր նստել: Ծածկեցին նորան իրենց հազուատներով և Քրիստոսին նստացրին նորա վերայ: Այնուհետև ամբողջ ժողովուրդը կարողացաւ տեսնել հրաշալի վարդապետին, որը յարութիւն տուաւ Ղազարոսին: Հատերը մտածում էին. «Այս Քրիստոսը, Դաւթի ցեղից խոստացուած Փրկիչն է» և սկսեցին պատուել նորան: Մի քանիսները արմաւենու ճիւղեր կտրեցին և ձգեցին ճանապարհի վերայ, շատերը իրենց հազուատը փռեցին աւանակի ոտների տակ և այս փառաբանական

երգը երգեցին. «Ուսաննա (Փրկող) թիռն) Որդւոյ Գաւթի,  
օրհնեալ եկեալ յանուն Տեառն, ուսաննա 'ի բարձունս»,  
Քաղաք մտնելու ժամանակ ժողովրդից նոր բազմութիւն  
դուրս եկաւ Քրիստոսի առաջ: «Այս ո՞վ է». հարցնում էին  
նորան չըտեսնողները: «Սա Յիսուսն է, նազարէթից եկած  
մարգարէն», պատասխանում էին նորանց և միևնոյն ժա-  
մանակ պատմում Ղազարոսի յարութիւն տալը: Փարիսե-  
ցիները այդ ժամանակ ուզում էին բռնել Քրիստոսին,  
բայց վախենում էին ժողովրդից: Քրիստոս մտաւ տա-  
ճարը, այնտեղից դուրս արաւ առևտրականներին,  
բժշկեց կոյրերին և կաղերին և երեկոյեան դէմ վերա-  
դարձաւ Բեթանիայ:

Գատարանում Քրիստոսին սպանելու վճիռն կայացնելուց յետոյ, նա Երուսաղէմ եկաւ: Այդ երբ էր: Միայն Քրիստոսն եկաւ այնտեղ: Նըջապատած ամբոխը Նորան ինչպէս էր նայում: Նորանք ինչո՞վ արտայայտեցին Նորան իրենց հաւատը: Փարիսեցիները ինչ էին մտածում Նորան անելու: Նորանք ինչո՞ւ համար չըբռնեցին Նորան: Քրիստոս տաճարում եղած ժամանակ ինչ արաւ:

### § 10. ՅՈՒԳԱՅԻ ՄԱՏՆՈՒԹԻՒՆԸ:

Մատթ. իգ. 3—5, 14—16, իէ 3—5, Մարկ. ժգ.  
1—2, 10—11, Ղուկ. իբ. 1—6:

Քրիստոսի թշնամիները չըկարողացան Նորան բռնել ո՞չ երկուշարթի և ո՞չ երեքշարթի օրը, որովհետև նա միշտ շրջապատուած էր լինում ժողովրդի բազմութիւնով և արդէն վճռել էին տօներից յետոյ բռնել նորան, երբ ժողովուրդը Երուսաղէմից հեռացած կըլինի, բայց Քրիստոսի աշակերտներից մէկը, Յուդա Իսկարիովուսցին, այդ բանում օգնեց նորանց: նա չորեքշար-

թի օրն եկաւ նորանց մօտ և խոստացաւ իւր Վարդապետին երեսուն արծաթով (մեր փողով 25 ռ. 80 կոպ.) մատնել: Արծաթսիրութիւնը և աշխարհային ազահութիւնը, դժբախտ Յուդային հասցրեց այդպիսի ամօթալի պործին:

Երբ որ Քրիստոսին մահի դատապարտեցին, խիղճը սկսեց տանջել Յուդային, մատնութեան համար: Նա գնաց քահանայապետի մօտ և ասաց նորան. «Մեղանշեցի ես, անմեղի արիւն մատնելով»: ձգեց նորանցից ստացած արծաթը, դուրս եկաւ և յուսահատութիւնից գնաց ինքն իրեն խեղդեց:

Գատարանի անդամներն էրբ վճռեցին Քրիստոսին բռնել և բանտարկել: Նորանց ո՞վ օգնեց Յիսուսին մինչև զատկի տօները սկսուելը, բռնելու: Ի՞նչ գուժարով Յուդան խոստացաւ Քրիստոսին մատնելու: Ի՞նչ բան հարկադրեց Յուդային մատնութեան դիմելու: Յուդան իւր ստացած արծաթներն յետոյ ի՞նչ արաւ: Նա իւր կեանքն ինչո՞վ վերջացրեց:

§ 11. ՔՐԻՍՏՈՍԻ ԽԱՉԻ ՎՐԱՅ ԶԱՐԶԱՐՈՒԻԼԸ ԵՒ ՄԱՆԸ:

Մատթ. էի 31—56, Ղուկ. իգ 26—49, Յովհան. ժթ 16—30:

Զինւորները, մահուան դատապարտուած Յիսուսին, տարան կառափելու, այսինքն գլխատման, տեղը, որ Երրայեցեքէն կոչուում էր Գողգոթա: Այնտեղ նորան խաչեցին և նորա աջ և ձախ կողմերին էլ—երկու աւազակների: Քրիստոսի գլխավերևից մի տախտակ կպցրին, որի վերայ գրուած էր. «Յիսուս Նազովրեցի Թագաւոր Հրէից»: Քրիստոսին խաչեցին՝ օրուայ երրորդ ժամին (այժմեան հաշուով առաւօտեան ինն ժամին): Քրիստոս խաչի վերայ ողորմածութեամբ աղօթում էր իւր շարչարողների համար և ասում. «Հայր, ներիր սորանց, որովհետև չը գիտեն, ի՞նչ են անում»:



Քրիստոսի թշնամիները խաչի վերայ էլ հանգիստ  
չէին թողնում նորան, ծաղրում էին և ասում,  
«Եթէ Աստուծոյ Որդի ես Դու, փրկիր քեզ և խաչից  
իրջիր և մենք քեզ կրհաւատանք»: Քրիստոսի թշնամի-  
ներին հետևում էին և զինուորները: Մինչև անգամ խա-  
չուած աւազակներից մէկը, ծաղրելով ասաց Քրիստո-  
սին. «Եթէ դու Քրիստոսն ես, փրկիր քեզ և մեզ»: Բայց  
միւս աւազակը պատասխանեց առաջինին. «Մի՛թէ դու  
Աստուծուց չես վախենում, երբ դու ևս նոյն պատժի  
մէջն ես, բայց մենք իրաւացի կերպով ենք պատժուած,  
իսկ սա ոչ մի վատ բան չի արած»: Այս ասելով՝ աղօթ-  
քով դարձաւ դէպի Քրիստոս և ասաց. «Տե՛ս, յիշիր  
ինձ, և բոքո՛ւ գաս Քո թագաւորութիւնովդ»: Այնպէս  
եմ ասում քեզ, այսօր իսկ ինձ հետ արքայութեան մէջ  
կըլինիս, պատասխանեց նորան Քրիստոս:

Վեցերորդ (մեր հաշուով տասն երկու երրորդ) ժա-  
մին երկրիս խաւար պատեց, այնպէս որ միայն աստղերն  
էին երևում: Ծաղրածութիւնները դադարեցան և շատե-  
րը վախեցած՝ հեռացան խաչելութեան տեղից: Քրիս-  
տոսի խաչի մօտ մնացին Տիրամայրը, Յովհաննէսը և  
մի քանի Գալիլեացի կանայք: Քրիստոս տեսաւ իւր  
մօրը և Յովհաննէսին նորան ցոյց տալով ասաց. «Ահա  
քո Որդին», յետոյ նա նայեց իւր ամենասիրելի աշա-  
կերտին և ասաց նորան. «Ահա քո մայրը»:

Մօտ իններորդ (մեր հաշուով երրորդ, հետոսից  
յետոյ) ժամին, Քրիստոս աղաղակեց. «Աստուած իմ,  
Աստուած իմ, ընդէ՛ր թողէր զիս»: Անցաւ մի քանի բո-  
ւաք, Քրիստոս ասաց. «Ժարաւ եմ»: Զինուորներից մէկը  
սպունգը թաթախեց քացախի մէջ և եղէգի ծայրն անց-  
կացնելով՝ մօտեցրեց Տառապեալի բերանին: Քրիս-

տոս ճաշակեց քացախը և ասաց. «Ամենայն ինչ կատարեալ է»: Գորանից յետոյ նա գլուխը խոնարհեցնելով ասաց. «Հայր, քո ձեռքն եմ աւանդում իմ Հոգին» և արձակեց հոգին:

Եյսպէս ահա Փրկիչը իւր անձը զոհելով մարդկանց մեղքի համար, մեզ հաշտեցրեց Աստուծոյ հետ: Այն ժամանակ արեգակը խաւարեցաւ, վարագոյրը, որ սրբութիւն սրբոցը բաժանում էր տաճարի միւս մասից, պատառուեցաւ երկու մասի: Գետինն այնպէս շարժուեցաւ, որ քարերը ճեղքուեցան և շատ մեռելներ յարութիւն առնելով՝ դուրս եկան գերեզմաններից: Հարիւրապետը, որ խաչի մօտ կանգնած էր, ասաց. «Արդարև այս մարդը արդար էր և Աստուծոյ Որդի»: Ժողովուրդը զարհուրած, կուրծքը ծեծելով՝ հեռացաւ խաչերի մօտից:

Քրիստոսին սրտեղ խաչեցին: Նա միայնակ խաչուեց: Ինչ վերնագրով տախտակ կայրին Նորա գլխավերեւ: Ո՛ր ժամին Նա խաչուեց: Քրիստոս ինչ ասաց երբ Իրեն խաչում էին: Քրիստոսի թշնամիները Նորան խաչի վերայ հանգիստ թողեցին: Ինչո՞վ էին ծաղրում Նորան: Նորա շեռ խաչուած աւագակներն ինչ էին ասում: Երկրքեան էլ ծաղրում էին: Քրիստոս իրեն հաւատացող աւագակին ինչ ասաց:

Քրիստոսի խաչի վերայ ժամանակ ինչ փոփոխութիւններ տեղի ունեցան: Քրիստոսի մօտ կայրին իւր բարեկամներից: Քրիստոս իւր մայրը ո՞ւմ խնամքին յանձնեց: Քրիստոսի վերջին խօսքերն ո՞րն էին: Նա ո՞ր ժամին աւանդեց իւր հոգին:

Քրիստոսի մահից յետոյ ինչ փոփոխութիւններ տեղի ունեցան: Թաչեալների պահապան հռովմայեցի զինուորներն ինչ էին մտածում Յիսուսի մասին: Թաչերի մօտ կանգնած ժողովուրդն ինչ արաւ:

§ 12. ՔՐԻՍՏՈՍԻ ԹԱՂՈՒՄԸ ԵՒ ՆՈՐԱ ԴԺՈՒՔ ԳՆԱԼԸ:

Յովհան. ԺԺ. 31—42 Մատթ. Իէ 57—66,

Հուկասու Իգ. 50—56:

Քրիստոսի մեռնելու երեկոյեան, սկսուեցաւ բազաչակերաց տօնը, այդ պատճառաւ դատարանի անդամները շուգեցան, որ խաչուածները մնան խաչի վերայ և Պիղատոսից թոյլտուութիւն խնդրեցին, նորանց սրունքները ջարդելու (*որի ծնկնից սկսած մինչև գարշապարը*), որպէս-զի խաչուածները շուտով մեռնեն: Պիղատոսի թոյլտուութիւնով զինւորները գնացին Գողգոթա և աւագակների սրունքները ջարդեցին: Երբոր մօտեցան Քրիստոսին, տեսան, որ նա արդէն մեռած է և նորա սրունքները չըջարդեցին, այլ զինւորներից մէկը գեղարդով նորա կողը խոցեց և վէրքից իսկոյն արիւն և ջուր դուրս եկաւ:

Այս բանից յետոյ, շուտով Պիղատոսի մօտ եկաւ դատարանի անդամ Յովսէփ Եւսեմաթացիւն և խնդրեց, թոյլ տալ Յիսուսին խաչից իջեցնել և թաղել: Պիղատոսը թոյլ տուաւ: Այն ժամանակ Յովսէփը վերցրեց մաքուր կտաւներ, իսկ *Նիկիոցիոնսը*, Քրիստոսի ծածուկ աշակերտը, տարաւ գմուռը հալուէի հետ խառնած: Նորանք խաչից վերցրին Քրիստոսի մարմինը, օծեցին անուշահոտ իւղով, փաթաթեցին կտաւով և թաղեցին Գողգոթայից ոչ այնքան հեռու, Յովսէփի պարտիզում, նոր գերեզմանի մէջ, որ շինել էր տուել իրեն թաղելու համար. իսկ գերեզմանի դուռը ծածկեցին մի մեծ քարով: Թաղմանը ներկայ էին մի քանի Գալիլեացի կանայք: Նորանք մինչև թաղման

վերջը չըմնացին, այլ գնացին քաղաք, որպէս-զի մինչև տօները սկսուելը, անուշահոտ իւղեր գնեն, Քրիստոսի մարմինն օծելու համար, երբ այդ կարելի լինէր:

Զարաթ առաւօտեան Քրիստոսին թշնամի քահանայապետները ժողովուեցին Պիղատոսի մօտ և խընդրեցին. «Հրամայիր նորա (Յիսուսի) գերեզմանը պահպանել, մինչև երեք օր, որպէս-զի նորա աշակերտները գիշերը չըգան և զօգանան նորա մարմինը և ժողովրդին ասեն թէ նա մեռելներից յարուժիւն առաւ, ինչպէս ինքն էր ասում իւր կենդանութեան ժամանակ»: Պիղատոսը նորանց իրաւունք տուաւ և նորանք պահապաններ կարգեցին Քրիստոսի գերեզմանի վերայ, իսկ քարը կնքով կնքեցին:

Թաղուելուց յետոյ, Աստուծոյ Որդի Յիսուսը իւր մարդկային հոգևով գնաց դժոխքը, կործանեց սատանայի իշխանութիւնը և այնտեղից հանեց այն մարդկանց հոգիները, որոնք հաւատով սպասում էին Իւր զալստեանը:

Խաչուածների մարմինները խաչերի վերայ մնացին մինչև լոյս շարաթուայ երեկոյ: Ո՞վ թողատրեց նորանց խաչից վերցնելու: Այն ժամանակ ինչ արին, որպէս-զի խաչուածների մահը փութացնեն: Ինչո՞ւ համար Քրիստոսի սրունքները չըջարգեցին: Զինուորներն ինչպէս համոզուեցան, որ Քրիստոս մեռած է:

Քրիստոսի մարմինը խաչից սօվ վերցրեց, Յովսէփը և Նիկողիմոսը սօվ թողուութիւնով արին այդ, Քրիստոսին սրտեղ թաղեցին: Իացի Յովսէփից և Նիկողիմոսից թաղմանը ուքեր էին ներկայ: Կանաք մինչև թաղման վերջը մնացին: Նորանք ինչ մտածեցին անելու: Քրիստոսի թաղումից յետոյ նորա թշնամիներին ինչն էր անհանգստացնում: Նորանք Քրիստոսի մարմինը չըզօղանայու համար ինչ արին: Քրիստոսի մարդկային հոգու հետ ինչ պատահեց, երբ նորա մարմինը դեռ գերեզմանումն էր: Քրիստոս դժոխք մտնելով ինչ արաւ:

միտոսովի հաստ միջոցով մասնու գնել

§ 13. ՔՐԻՍՏՈՍԻ ՅԱՐՈՒԹԻՒՆԸ:

Մատթ. ԻԸ 1—15 Մարկ. Ժգ. 1—8

Ղուկասու Իգ. 1—11.

Ջարաթ օրուայ գիշերը, լոյս կիւրակի, Քրիստոսի գերեզմանի մօտ կանգնած զինւորները երկրաշարժ զգացին և տեսան, որ սպիտակ, փայլուն շորերով մի հրեշտակ եկաւ գերեզմանի քարը գլորեց և նստեց նորա վերայ: Այդ տեսարանից նորանք սարսափած վազեցին քաղաքը, քահանայապետների մօտ և պատմեցին բոլոր պատահածը: Քահանայապետները կաշառեցին նորանց և սովորեցրին ժողովրդի մէջ տարածել, թէ գիշերը, իրենց, քնած ժամանակ, նորա աշակերտները եկել են և գողացել Քրիստոսի մարմինը:

Այդ միջոցում Փալիկացի կանայք, Մարիամ Մագդաղենացի, Յակովբոսի մայր Մարիամը և Սաղոմէն և նորանց հետ միւսները, գնացին Քրիստոսի գերեզմանը, նորա մարմինն օծելու: Նորանք այն անցքի մասին ոչինչ չբզիտէին, նոյնպէս չբզիտէին, որ գերեզմանի վերայ պահապաններ են կարգուած: Մտան այգին և տեսան, որ քարը գերեզմանից գլորուած է: Մարիամ Մագդաղենացին սարսափած վազեց քաղաքը և պատմեց Քրիստոսի աշակերտներին. «Տիրոջը գերեզմանից հանել են և չբզիտենք, որտեղ են դրել նորան»: Միւս կանայքը մօտեցան գերեզմանին և այնտեղ տեսան հրեշտակին, որ աւետեց նորանց և ասաց. «Քրիստոս մեռելներից յարուցիւն առաւ»: Աերաղառնալով երուսաղէմ, նորանք ճանապարհին պատահած անցքի մասին, ոչ ոքի ոչինչ չ'ասացին, միայն աշակերտներին պատմեցին այն, ինչ որ տեսել էին, բայց աշակերտները չ'հաւատացին նորանց, մինչև որ իրենք չ'ըտեսան յարուցիւն առած Քրիստոսին:

Ձինւորները շարաթօրին յաջորդող գիշերն ինչ տեսան Քրիստոսի գերեզմանի մօտ: Նորանք գերեզմանից քարը գլորող հրեշտակին տեսնելով ինչ արին: Այդ պատահած անցքը նորանք ուժ պատմեցին: Այն ժամանակ քահանայապետներն ինչ արին: Քրիստոսին հաւատացողներից առաջինն ո՞վ իմացաւ Քրիստոսի յարութեան մասին: Կանաչք ինչո՞ւ համար եկան Նորա գերեզմանը: Նորանք պարտիզում ինչ տեսան: Մարիամ Մագդաղենացին ինչ մտածեց, երբ գերեզմանի քարը գլորուած տեսաւ: Նա այդ մասին ո՞ւմ ասաց: Միւս իւղարբեր կանայքն ինչ արին: Քրիստոսի աշակերտները հաւատացին նորանց: Նորանք երբ հաւատացին Քրիստոսի յարութեանը:

§ 14. ՔՐԻՍՏՈՍԻ ՀԱՄԲԱՐՁՈՒՄԸ,

Մարկ. Ժգ. 19-20 Դուկ. Իդ 49-53, գործք առար.

գլ. Ա. 3-12.

Պենդեկոստէի տօն օրերում Քրիստոսի աշակերտները եկան Երուսաղէմ և Քրիստոսի յարութեան քառասուններորդ օրը ժողովուեցան մի տուն: Այստեղ Քրիստոս երևեցաւ նորանց և ասաց. «Ես պիտի ուղարկեմ այն, ինչ որ իմ Հայրս խոստացել է ձեզ: Դուք մնացէք Երուսաղէմում, մինչև որ վերևից զօրութիւն կըստանաք: Դուք այդ զօրութիւնը կըստանաք, երբ սուրբ Հոգին կիջնի ձեզ վերայ և այնուհետև ամբողջ աշխարհիս երեսին ինձ համար վկայ կըլինիք»:

Դորանից յետոյ Քրիստոս նորանց հետ գնաց Բեթանիայ գիւղը և ապա Զիթենեաց սարի վերայ օրհնեց նորանց և նորանց աչքերի առաջ համբարձաւ երկինքը և Հօր Աստուծոյ աջ կողմը նստեց (այսինքն իւր մարդոս) Թիւնովն Աստուածային փառք և պատիւ ստացաւ):

Աշակերտները կանգնած դէպի վերև էին նայում, մինչև որ հրեշտակներ տեսան, որոնք ասացին նորանց. «Ի՞նչ էք կանգնել և դէպի երկինք նայում: Այն Յիսուսը, որ համբարձաւ, դարձեալ պիտի գայ այնպէս, ինչպէս տեսաք նորան երկինք համբառնալիս»: Աշակերտները մեծ ուրախութիւնով լցուած վերադարձան Երուսաղէմ:

(Համբարձման տօնը կատարուի ենք Չաակից 40 օր յետոյ):

Յարութիւն առած Քրիստոս վերջին անգամ երբ երևեցաւ իւր աշակերտներին: Այդ ժամանակ Նա նորանց ինչ ասաց: Նա նորանց հետ Երուսաղէմից սրտեղ գնաց: Նա Զիթենեաց սարի վերայ ինչ կատարեց: Աշակերտներն ինչ արին, երբ Քրիստոս երկինք համբարձաւ: Այդ ժամանակ նորանք ո՞ւմ տեսան: Հրեշտակները նորանց ինչ ասացին: Համբարձման տօնը երբ ենք կատարում:

Վ Ե Ր Զ

### Յ Ա Ն Կ

§ §		Երես
	Երկու խօսք . . . . .	5
	Նախագիտելիք . . . . .	7

### Ա Ռ Ը Ջ Ի Ն Բ Ը Փ Ի Ն

1.	Յանուն Հօր և Որդւոյ և Հոգւոյն սրբոյ. ամէն.	13
2.	Տէրունական աղօթք . . . . .	15
3.	Աղօթք դասից առաջ . . . . .	19
4.	Աղօթք դասից յետոյ . . . . .	21
5.	Աղօթք ճաշից առաջ . . . . .	22
6.	Աղօթք ճաշից յետոյ . . . . .	22
7.	Երգ 'ի դէմս Որդւոյն Աստուծոյ . . . . .	24
8.	Աղօթք առ սուրբ կոյսն . . . . .	24
9.	Աղօթք թաղաւորի համար . . . . .	25
10.	Աղօթք առաւօտեան . . . . .	25
11.	Աղօթք երեկոյեան . . . . .	27
12.	Ծննդեան շարական . . . . .	29

### Ե Ր Կ Ր Ո Ր Պ Բ Ը Փ Ի Ն

1.	Ս. Կոյս Մարիամի ծնունդը և տաճարին ըն- ծայուիլը . . . . .	31
2.	Ս. Կոյս Մարիամին աւետիս տալը և նորա արդար Եղիսարէթին այցելելը . . . . .	32
3.	Քրիստոսի ծնունդը և Բեթղեհէմի հովիւների նորան երկրպագելը . . . . .	34
4.	Քրիստոսի քառասնօրեայ գալուստն 'ի տաճար կամ Տեառնընդառաջ . . . . .	36



5.	Մոզերի երկրպագութիւնը: Յովսէփի և Մարիամի Եգիպտոս փախչիլը և այնտեղից վերադառնալը . . . . .	38
6.	Սուրբ Յովհաննէս Մկրտիչ . . . . .	40
7.	Քրիստոսի մկրտութիւնը . . . . .	42
8.	Քրիստոսի հրաշագործութիւնները . . . . .	43
9.	Քրիստոսի յաղթական մուտքն Երուսաղէմ (Ժողկազարդ) . . . . .	45
10.	Յուդայի մատնութիւնը . . . . .	46
11.	Քրիստոսի խաչի վրայ շարշարուիլը և մահը	47
12.	Քրիստոսի թաղումը և նորա դժոխք գնալը	50
13.	Քրիստոսի յարութիւնը . . . . .	52
14.	Քրիստոսի համբարձումը . . . . .	53



Սկզբունք քրիստոնէական ուղղափառ հաւատոյ Հայաս-  
տանեայց առաքելական սուրբ եկեղեցւոյ

Առաջին տարի . . . . .	20 կոպ.
Երկրորդ տարի . . . . .	25 կոպ.
Յրրորդ տարի . . . . .	30 կոպ.

Գ Ի Ն Ն Է 20 Կ Ո Պ.

Մամուլի տակ է Գ. Կ. Ն. տարուայ գրքոյկները:

Գրաւաճառներին 20 0/0 զիջումն:

Յանկացողները կարող են դիմել՝

Шушү. Въ книжную торговлю В. ТЕРЪ-СААКЯНЦЪ.